

# Mga Tangki Nga Likian

Jeffersonville, Indiana, USA

July 26, 1964

1 Mag-ampo ta. Ginoo, karon nagatoo kami. Nagtoo kami sa Anak sa Dios, ug, pinasikad niini, among gidawat ang Kinabuhing Dayon pinaagi Kaniya. Karon nagkahiusa na usab kami, ning takna sa kahaponon, o ning gabhiona, alang sa lain pang bulohaton, nga masaligon Kanimong alang sa Mensahe ug alang sa unsay Imong isulti kanamo ning gabhiona. Nagatoo kami Kanimong, Ginoo, ug naghulat kami Kanimong. Ug miingon Ka, "Sila nga nagahulat sa Ginoo nagabag-o sa ilang kusog; sila manglupad nga may mga pako sama sa agila." Ug nangamuyo kami, Dios, nga hatagan Mo kami nianang Gahum nga makalupad, ning gabhiona, samtang magahulat kami Kanimong.

Nagpasalamat kami Kanimong tungod ning katawhan, ug kung unsay ilang gitinguha Kanimong ug kung unsay ilang tinguha kanako. Gipasalamat ko Ikaw tungod niini, Amahan. Sila mao ang Imong mga mutya. Ug nangamuyo ako, Dios, nga ning gabhiona, Imong ipakita ang Imong kaugalingon, diha sa maong paagi, ngadto kanila, nga ilang gikinahanglan. Kong anaa may masakiton dinhi, hinloi kini, Ginoo. Ug ihatag kanamo ang pagduhaduha sa hunahuna ni bisan kinsa; hinloi kini, Ginoo. Ug ihatag kanamo ang Imong Presensiya ug ang Imong mga panalangin, tungod kay gikinahanglan namo kini, Ginoo. Ikaw mao ang among katagbawan. Ug, gawas Kanimong, wala kami arang mahimo.

Nangamuyo kami nga dawaton Mo ang among pagpasalamat sa tanan Mong gibuhad. Sa Ngalan ni Jesu-Cristo among paaboton ang Imong mga panalangin. Amen Makahimo na kama sa pagpanglingkud.

2 Ug, maayo, kay daw ma-mabugnaw na ug diyutay ning gabii sa Dominggo, dinhi karon, kay sa miaging Dominggo sa gabii. Mapasalamat ko ta kaayo sa atong mga kaigsoonan kinsa naghago nga mainunongon sa pagpahigayon dinhi niini. Nasayud ako nga duha o tulo kanila. Si Igsoong Mike Egan, maingon nga nakita ko didto sa luyo, ug akong ...Si Igsoong Mike, ug si Igsoong Sothmann, si Igsoong (nagtoo ako) nga si Roy Roberson, ug si Igsoong Woods ug silang tanan, dinhi sila nga nagkadusingot, sa pagpaninguha nga mapahigayon kini aron mapahimutang kining Mensahe karon, o ning adlaw. Busa mapasalamat ko ta pag-ayo.

3 Karon, sa sunod Dominggo sa buntag, kon itugot sa Ginoo, buot kong anaa akoy bulohaton sa pagpanambal, mga pag-ampo sa masakiton. Ug, atong igahin kini alang sa usa ka bulohaton sa pagpanambal, kon itugot sa Ginoo.

Hingmatikdan ko, kaganihang buntag, nga anaay usa ka pundok sa mga panyo dinhi. Giampoan ko sila. Ug ako, samtang nanag-ampo kamo ug nanag awit, akong giampoan ang mga panyo; ug unya ania pay daghan dinhi ning gabhiona. Busa, a-atong toohan nga ang Dios moayo sa balatian. Daghan kaayong dagkung mga testimonyo o sa kaayohan sa atong taliwala, sa tibuok kalibutan, ug mapasalamat ko ta kaayo tungod niini.

Ug akong gihunahuna, nga sa sunod Dominggo, tungod kay mahilayo ako kadali, ug atong gipalabi pag-ayo diha sa pagtudlo ug sa Mensahe, nga niini akong gitooan nga maoy maayong butang kong anaay atong u-usa ka bulohaton sa pagpanambal, nga mangampo sa masakiton. Ug manghinaut ako nga ang Dios mohatag kanato sa maayong panahon.

4 Karon, ang kadaghanan kaninyo ang mobiyahig daghang mga milyas ning gabhiona. Busa nakigsulti ako sa mga pundok didto sa-sa Blue Boar Cafeteria, ning adlaw, diin didto ang akong panihapon. Daghan kaayong maayong mga tawo, nga akong gikalamano ug nakigsultihanay kanila, mga katawhan nga sukad wala ko gayud ikahimamat kaniadto, nga mianhi dinhi sa simbahan. Ug mapasalamat ko kaayo tungod sa maong mga higala, ug buot kong magpasalamat sa matag usa kaninyo. Ang uban kanila nanguhag mga lumboy, ug gidala kanato. Ug usa ang midala kanatog usa ka basklet nga sirup, o latik, nagtoo ako nga mao kadto, u-ug mga butang. Wala ka masayud kung unsay ipasabot niadto. Ug usa ka buntag, migawas ako sa balay, usahay anaay ...

5 Sa miaging buntag dihay usa ka igsoon nga walay maayong kapalaran, ug walay mga bisti ug mga butang, ang buot nga magpakuha kanakog mga bisti. Migawas ako, ug

hapit ako mahipangdol sa usa ka bukag nga lumboy nga gibutang didto. Matud ko, "Ikaw bay nagdala ning mga lumboy?"

Ug mitubag siya, "Dili, walay gamayng kalabotan niini. Dinhi na ako sa wala pa mosilang ang adlaw, ug dinhi na sila nagpaabot dinhi." Ug gidala kini kanako sa maayo kong Igsoong Ruddell. Ug, tungod niini, akong gidayeg kanang mga butanga.

Bag-o pa lang gihisgotan kini ni Billy Paul kanako, dili pa lang dugay, nga dinhi ning maong congregasyon ning gabhiona, mokuha silag halad nga alang kanako. Nagpasalamat a-ako tungod niana. Dili ko gusto nga buhaton ninyo kana. Nakadayeg a-ako sa inyong mga kahago, ug uban pa, apan dili kana maoy kinahanglanon. Ug, apan, panalanginan kamo sa Ginoo. Nasayud kamo, nasayud na kamo, ang Biblia nag-ingon, "Maingon nga gibuhathon kini ninyo ngadto ning labing ubos, gibuhathon ninyo kini Kanako."

6 Karon, daw sa gihisgotan ko na kaninyo, diha sa Mensahe, sa dinayganay. Ug akong ...Tingalig may katawhan nga diha sa tumang kadasig nga- nga naghunahuna ako nga si Jesus mobalik sa buntag o ning gabhiona. Mao man ako. Karon, wala ako mag-ingon nga Iyang buhaton. Ug, usab, dili Siya mobalik sa sunod semana, ug tingalig sa sunod tuig, tingalig napulo pa ka tuig. Wala ako masayud kanus-a Siya mobalik. Apan anaay usa ka butang nga buot kong ...sa kanunay ipasantop kini diha kaninyo, nga mangandam kamo sa matag gutlo o takna. Nakita mo? Nga, kon dili Siya mobalik karon, tingalig nia na Siya ugma. Busa ipabilin kana sa inyong kaisipan, nga mobalik Siya.

Ug wala ako masayud kung unsang panahona ang katapusan kong takna dinhi ning kalibutana, ni may usa kanato. Ug walay usa kanato ang nasayud kanus-a Siya mobalik. Siya wala man gani masayud, Mismo, pinaagi sa Iyang Kaugalingong mga Pulong; Siya miingon, "Ang Amahan, lamang, ang nasayud kanus-a Siya mobalik; ni bisan ang Anak nasayud kanus-a Siya mobalik." Mao kini kung ipadala na Siya sa Dios pag-usab. Apan nagapaabot kita sa iyang Pagbalik. Ug kon dili man Siya mobalik sa akong kaliwatan, tingalig mobalik Siya sa sunod: kon dili Siya mobalik sa usa, mobalik Siya sa sunod. Apan, alang kanako, dili ko na matataw ang bisan unsang takna nga nahibilin. Igo ko lang ...Alang kanako, kini mahitabo sa bisan unsang panahon. Karon, wala kana magpasabot ...Wala kana magpasabot, karon, nga makita ninyo ang kalangitan nga mausab ug ang matag ...Dili kana mao ang Pagbalik nga akong gihisgotan. Naghisgot ako bahin sa Paglalain.

7 Tan-awa, Iyang gihimo ang tutulo ka mga Pagbalik. Mianhi Siya sa tulo ka Ngalan, sa pagka-Anak. Mianhi Siya sa trinidad; Amahan, Anak, Espiritu Santo. Tan-awa, tanan kini sa mao ra nga Cristo, mao ra nga Dios, sa tanang panahon.

Karon, nahibalo kita nga moanhi Siya aron pagdala sa tutulo ka mga buhat sa grasya; pagkamatarung, pagkabalaan, bautismo sa Espiritu Santo. Ang tanang butang, diha sa Dios, gihingpit diha sa tulo. Ug busa mianhi Siya, una sa tanan, aron pagtubos sa Iyang Pangasawanon. Moanhi Siya sa ikaduha, ingon sa Paglalain, sa pagkuha sa Iyang Pangasaw-onon. Moanhi Siya, sa ikatulo, kauban sa Iyang Pangasaw-onon, Hari ug Rayna; pagkatapus, mao kana nga kun ang kadaghanang katawhan nagpaabot sa Pagbalik Apan kung mobalik Siya ning panahona, wala kaayoy masayud kondili sila lamang ang naandam kung mobalik Siya. Diha anaay mga tawong mangawala. Dili sila mahibalo kung unsay nahitabo kanila. Igo lamang nga sakgawon sila, sa kalit, ug nga tungod niana mahibaw-an sila nga nangawala. "Mangausab sa kalit, sa kalit sa usa ka pagpamilok." Busa pangandam alang niana. Usa kini ka makalilisang sa kabuntagon ang pagkawala sa minahal sa kinabuhi, nga wala nay makakaplag kanila. Dili ba dautan ra kaayo ang pagkasayod nga natapus na diay ug napakyas mo kini? Busa pagpabilin gayud sa atubangan sa Dios.

8 Karon, sa sunod semana, kon itugot sa Ginoo, sa sunod Lunes, gikan ning semanaha sukad rung Lunesa, kon itugot sa Dios, dalhon ko ang pamilya balik ngadto sa Arizona diin atua sila magtungha, ug unya mobalik a-ako.

Karon, dili ako moadto didto ...Walay akong mga bulohaton aron moadto didto. Sa kanunay gayud ako magkalisod sa Arizona. Molakaw ako bisan asa. Dalhon ko ang akong asawa didto, sa sunod Lunes. Mobalik ra ako dinhi pag-usab. Nagpuyo ako gikan dinhi ngadto sa British Columbia. Mibalik ako sa Colorado. Mobalik na usab ako sa Arizona inigkaduol sa Pasko aron kuhaon ang pamilya tanan, nga mobalik dinhi hangtud sa Pasko sa mga bakasyon, kun itugot sa Ginoo, nga may bulohaton hangtud sa bag-ong tuig sa semana dinhi.

9 Sa ingon ania ako dinhi, labi pa, sa kasagaran. Ania ako dinhi mga napulo ka higayon kay sa atua didto, tungod kay wala kitay simbahan o bisan unsang mga bulohaton didto, walay among mahimo didto, busa, tungod kini sa bulohaton sa simbahan. Usa kana ka butang daotan bahin niini. Walay dapit nga mapaadto ko ang kabataan aron pagpamati sa Mensahe, sama sa unsay nakuha sa inyong mga kabataan dinhi niini, u-ug busa mao kana ang bugtong babag nga among naangkon. Apan silang tanan labi pang mahimsog. Usa kini ka ting-init, mainit, panahon sa ting-init, apan ang mga kabataan labi pang mahimsog tan-awon. Wala ako kaayo magdugay didto aron panid- an kung maayo ba ug dili maayo. Ako, molihok na ako, ug sa a- a - akong pagtoo natawo ako nga usa ka maglalangyaw.

Nanawag kanako ang akong asawa ... Nasayud ako nga ania siya dinhi, busa kuhaon ko kini human sa panimbahon, nasayud na kamong tanan. Unsay ngalan niana, ang pagbalhin sa mga hangin, o hanging walay pahulay, o bisan unsay-bisan unsay, nasayud ka, lumalangyaw'? O kaha, kanunay akong molakaw, sa laing sinultihan. Ug dugay na akong naminyo. kaluhaag duha ka tuig, ug ako usahay maghunahuna ako nga dumoluong diha sa balay, tungod kay kanunay man akong molakaw. Apan mao akong gilantaw ang panahon nga kun mahiluna kita didto sa Yutang puloy-anan sa kapulihay. Apan karon ang gubat nagapadayon pa, busa magmainampon ta.

10 Ayawg kalimot, sa sunod Dominggo sa buntag, kun itugot sa Ginoo, dalha ang inyong masakiton ug ang gipaantos. Sayo pag-anhi, pahiluna sa inyong dapit, ug tingalig anaay mga panon nga pagaampoan. Among ipanghatag ang mga kard alang sa magpaampo. Kong kulang ra, dili kami manghatag ug mga kard sa magpaampo, igo na nga magbuhat ug usa ka gamayng linya sama sa duha o tulo ka docena, o maingon niana. Apan tingalig manghatag ka-kamig mga kard sa magpaampo, sa ingon tingalig mabuhat nato kini mga usa ka takna sa dili pa ang naandang bulohaton, nga akong gitooan mokabat ... Mahimong alas otso, also, o kaha otso-emidya, ilang ipanghatag ang mga kard sa magpaampo; ablihan ang simbahan, ipanghatag ang mga kard sa magpaampo sa sunod Dominggo sa buntag. Ug unya siguroha ang pag-anhi dinhi alang sa inyong ...Dalha ang inyong mga minahal sa kinabuhi, ipahiluna sila diha niana. Maayo ug mabugnaw dinhi sa simbahan, kon masakiton sila, ug buhaton namo ang mga butang kutob sa among mahimo aron pag-ampo kanila.

Salamat, pag-usab, sa gugmahanong halad.

11 Ug karon atong basahon ang pipila ka Pulong sa Dios, ning gabhiona, ug pangandam alang ning maong higayon sa Iyang Presencia na usab aron pagdala kanato sa Iyang Pulong. Karon, nasayud ta nga makabasa ta ug usa ka teksto, apan ang Dios maoy magpadayag sa unod. Nakita mo? Atong kuhaon ang usa ka teksto, apan ang Dios maoy mopadayag sa unod.

Ug samtang nag-abli kamo karon diha sa Libro ni Jeremias, sa capitulo 2. Buot kong ipahayag nga akong gikalipay nga ania, uban kanato, si Igsoong Lee Vayle, ang minahal nga igsoon diha sa Ginoo. Ug akong gihunahuna dinhi, ang igsoon dinhi, dili ko mahinumduman ang iyang ngalan, si igsoong Willard Crase. Ug nakita ko ang mga kaigsoonang lalaki nga taga Arkansas, si Igsoong John ug uban pa, nga taga Poplar Bluff, ug si Igsoong Blair. Ug, oh, si Igsoong Jackson, ug si Igsoong Ruddell, ug daghan pa nga dili ko- ko na ... Unta matawag ko ang ngalan sa matag usa, apan dili ko kini mahimo, ug nakasabot kamo. Si Igsoong Ben Bryant, nakita ko siya nga naglingkod dinhi; siya kanunay ang kasagaran kong amen samtang ako ... Ang tanan nakaila kang Ben tungod sa iyang tingog. Uh-huh.

12 Didto, kami sa California usa niana ka higayon, nagwali akog usa ka Mensahe alang sa katawhang baptist didto sa walog. Dihay ilang usa ka dakung tolda didto, ug daghan kaayong mga Baptist nga pinili sa katilingban. Wala gayud ako makodungog ug "amen" bisan diin; nasayud ka, mangahadlok sa kadaghanang kababayen-an nga mangawala ang pintal sa ilang nawong. Ug unya, ang unang butang nga inyong hibaloan, nakakita akog duha ka tiil nga ingon niana, milutaw sa hangin, ug duha ka mga dagkung kamot, ug usa ka maitum nga buhok ang nagkurog didto, nga nagtiyabaw, "Amen," nga nagsinggit sama niana. Ug mitamod ako, matud ko, "Ben, diin ka man gikan?" Siya kanunay ang nakaangkon sa "amen."

Nakita ko ang iyang asawa nga nangita kaniya, kadiyut. Bueno, nagkaanam nag kawala ang iyang itum nga buhok, apan walay angayng kabalak-an, nasayud ka. Ayaw

kabalaka bahin niana. Mao man, ang ako, sa dugay nang panahon.

Busa, karon, ayawg kalimot sa pag-ampo.

13 Karon samtang moadto ta sa labing lunsayng bahin sa bulohaton, hinumdumi, nga kon mobasa ta sa Pulong, nan panalanginan sa Dios ang Iyang Pulong. "Dili kini mobalik Kaniya nga kawang, apan magatuman Kini sa unsay katuyoan Niini." Ug nasayud ko, nga sa pagbasa sa Pulong, pasidunggan sa Dios ang Iyang Pulong.

Karon manindog ta sa alang sa pagtahud sa Iyang Pulong. Sa Jeremias capitulo 2, bersiculo 12 ug 13, sa Jeremias 2.

*Kahibulong kamo niini, Oh ...kalangitan, ug kalisang gayud, mag-inusara kamo pag-ayo, nagaingon si Jehova.*

*Kay ang akong katawhan nakahimo ug duroha ka Kadautan: sila mingbiya kanako, ang tuboran sa mga tubig nga buhi, ug sila nanagkutkot ug mga atabay, mga atabay nga likian, nga dili kasudlan ug tubig.*

Atong iduko ang mga ulo karon.

14 Minahal nga Dios, Nabasa na ang Imong Pulong. Ug nangamuyo kami nga Imong tauron kanang maong Pulong ug ihatag kanamo ning gabhiona ang samingay o ang katugbang Niini; samtang among gilantaw ang mga adlaw nga nanglabay, sa Israel, ingon nga maoy panag-ingnan, sumala sa gitudlo kanamo sa Biblia aron among makita kung unsay Imong gibuhat kanila samtang ilang gituman ang Pulong, ug tan-awon kung unsay Imong gibuhat kanila samtang gisupak nila ang Pulong, ug tun-an kung unsay angay namong pagabuhaton. Busa, nag-ampo kami nga makigsulti Ka kanamo ning gabhiona sa pinasahi nga paagi, aron kami masayud unsaon pag-atiman sa among kaugalingon mining adlaw, sa among hingkat-onan kaganihang buntag nga niini ania na kami. Tungod kay amo kining gipangayo sa Ngalan ni Jesus. Amen. Mahimo na sa pagpanglingkud.

15 Buot kong makigsulti ning gabhiona diha sa pagtulon-an, alang sa-sa hamubong panahon sa: Mga Tangki Nga Likian.

Ang Israel nakabuhat ug duha ka dagkung kadautan. Ang Dios nag- ingon nga mingbiya sila Kaniya, ang Tuboran sa Kinabuhi, ug nanagkutkot alang kanila ug mga atabay aron moinum gikan niini.

Karon may ipasabot niana. Ang hinungdan nganong naghunahuna ako ning maong teksto tungod kay katumbas kini sa unsay akong giingon kaganihang buntag, sa takna nga niini ania na kita, ug ang kalihokan nga niini naghago kita.

16 Ug atong gitan-aw ang Israel ingon nga panag-ingnan, nga, kung unsa ang Dios kaniadto, sa kanunayng magpabilin Siyang mao sa gihapon. Ug adunay usa ra ka butang nga kanunayng tauron sa Dios, mao kadtong, Iyang pamaagi nga Iyang gitagana alang sa Iyang katawhan. Ug sa mipahilayo sila niadtong paagiha, nan ang Dios wala mapasidunggi, ug gipaantos sa Dios ang katawhan tungod sa pagbiya gikan sa unsay Iyang gisulti kanila nga pagabuhaton, bisan kung unsa man kadto. Bisin pa niana Iya silang gihatagan ug balaod, "Ayawg hikapa, ayawg kupti, ayawg tilawi." Dili lamang ang kadautan sa pagbuhat niini, kondili ang kadautan sa pagsupak kung unsay Iyang giingon nga pagabuhaton. Ug diha niana dili mahimo ang balaod kung walay silot alang sa balaod. Tungod kay, kong walay silot, nan, ang balaod dili ra kaayo magpulos gawas kun anaay silot niini. Ang balaod!

17 Dinhi, atong makita, nga kung unsay ilang gibuhat niadtong mga adlaw ingon sa katumbas sa unsay atong ginabuhat karon, kung unsay ginabuhat sa katawhan sa simbahan.

Karon atong nakita ang talagsaong butang dinhi. Mahimo nga lahi kini sa ubang katawhan, sa Iyang pag-ingon, "Kamo, sila, nagkutkot alang sa ilang kaugalingon ug mga atabay, mga tangki nga likian." Karon, tingali ang uban kaninyo wala masayud kung unsay atabay. Pila man ang nasayud kung unsay atabay? Tan-awa, hapit kamong tanan. Kong didto ka magtubo sa umahan, nan masayud kag unsay atabay. Akong mahinumduman nga nakainum akog daghang mga dugho gikan niini, a-aron masayud kung un-unsay atabay. Nga nagwali didto sa ubang nasud diin, diha sa kasagbotan, diin anaay inyong dakung pitsel sa tubig sa atabay nga gibutang didto, gikan sa-sa ulan, nahibalo kamo, ug ingon sa karaan nag diyutay. U-ug unya ang mga mananap, sa

panahon sa kagabhion, mosulod ngadto niini. Ug busa nasayud ako kung unsay tubig sa atabay.

18 A-ang tangki maoy u-usa ka dapit, usa ka butang nga gikutkot diha sa yuta, nga ilis sa atabay. Diin ang katawhan walay atabay, ug busa mokuha silag u-usa ka tangki. Sa laing pagkasulti ang atabay maoy usa ka binuhat nga tangki o kaha binuhat nga atabay diha sa yuta, nga gikutkot sa tawo, aron pagsalud ug tubig, a-aron gamiton kini. Ang uban kanila mogamit niini sa pagpanglaba, ug ang uban gamiton kini nga ilimnon, ug kaha, sa laing paagi. Usahay ang tanang tubig, nga kasagaran along gikuha, gikan sa atabay. Kasagaran anaay karaang butang nga imong tuyokon, tuyokon, tuyokon, tuyokon, tuyokon, aron pasakahon ang tubig; nga may gamayng timba niini, aron pagkalos ug tubig gikan sa atabay.

Tan-awa, usa ka butang ang atong nakita bahin sa tangki nga lahi ra kay sa atabay. Dinhi, ang tangki mahubsan. A-a-ang tangki dili makapatubig sa iyang kaugalingon. Kini ma-maoy ... Dili kini kasaligan. Dili ka makasalig sa tangki. Kay kini nagsalig ra sa mga ulan nga mobundak sa panahon sa ting-init o sa ting-ulan, bisan kung un sa man kini ... Ang kasagaran, sa panahon sa ting-ulan kung moabot na ang yelo ug ang ulan, ug dayon mopabuhagay kinig tubig paingon sa tangki. Ug kon dili kini makatigum ug tubig, nan walay i-imong tubig. Mauga ki-kining tanan. Ug dili kini makapatubig sa iyang kaugalingon. Ang karaang tangki dili makapatubig sa iyang kaugalingon. Kini makatubig lamang gikan sa-sa mga ulan.

19 Ug buot kong hisayran pa ninyo ang laing butang bahin sa tangki. Ang kasagaran, makita mo, o kung anaa kini sa atong dapit, ang tangki ...Kasagaran ang bodiga hapit doblihon ang usa ka balay sa gidak-on, ug kasagaran adto nila padagana ang tubig paingon sa bodiga, ug dayon ngadto sa tangki. Akong mahinumduman kadtong karaang tangki nga atabay didto, sa panahon nga iyang ... kung a- ang tubong paagasanan mobuhos niini, usab, paingon sa bodiga. Mapuno kini gikan sa bodiga. Ug sa ingon ang tubig nagagikan sa atop sa bodiga; diin, ang tanang mga mananap managtunob paingon ngadto sa kwadra, ug ang tanang hugaw sa kwadra matingub ngadto sa atop sa bodiga, sa panahon sa ting-init. Ug unya moabot ang tubig ug banwason ang tanang gikan sa atop, paingon ngadto sa pasongan nga binuhat sa tawo, ug mopaingon ngadto sa sandayong, ug dayon paingon ngadto sa tangki nga binuhat sa tawo. Ug kon walay inyong hugaw, ambot tang kung unsay inyong naangkong, kung anaay inyong usa ka tangki. oo, sir! Tanan kining mga binuhat sa tawo, ug labihan ang kahugaw niini.

20 Nasayud kamo, nga ato kining gitawag ... Anaay atong trapo nga salaan sa usa. Nasayud ba kamo kung unsa kadto? Ang pagbutang ug salaan nga trapo niini, aron pagsalud sa mga mananap ug mga butang nga diha sa ibabaw sa-sa bodiga, ug diha sa tanang dapit, ug ibubo gikan sa usang dapit ngadto sa lain, paingon sa tangki. Ug kanunay tang mogamit ug u- usa ka salaang panapton niini, aron saluron tanan a-ang mga hugaw ug mga butang nga makuha ta. Dayag na lang, nga dili kana makasalud sa tinuod nga hugaw, mao ray makuha ang dagkung mga udyong nga mangahulog niini. Ang bakukang mahimong mahulog niini, apan ang duga sa bakukang mahimong madala sa tubig. Busa, kasamok gayud ang maangkong mo kung anaay imong karaang mahugaw nga tangki.

21 Sulod sa pipila ka adlaw, inyong pasagdan ang tubig diha, ug malan-og

kini. Inyong pasagdan ang tubig diha sa tangki, kini mahimong malan-og Ug mapuno sa-sa mga baki, ug mga tabeli, ug mga halas. Ug kasagaran atong nganlan kinig "pito-pito," mga magagmayng ...Wala ako masayud kung unsa ...Dili sila mga parasito, mga ...Wala ako, wala ako masayud kung unsay itawag kanila. Apan ang daghang magagmayng mga butang mosulod kini sa tubig, nga-nga gitawag ta kinig pitopito. Nasayud ba kamog unsa kini. Pila man ang nasayud unsay akong gihisgotan? Oh, naku, siguro kaayo, nga kamong tanang mga lumad dinhi nasayud. Molan-og kinig maayo, ug unya kining mga mahigugmaon sa malan-og moanha niini. Mangabot ra gayud kini, tungod kay malan-og man kini. Ug tungod kay malan-og man kini, modani kinig mga mananap nga mahigugmaon sa mga butang malan-og.

22 Ug mao kanay kadaghanan sa atong mga kasimbahanan karon. Sa akong pagtoo mao kana ang atong gibiyahan ...Ang usa sa labing pinakadakung kasal-anan nga gibuhat sa simbahan karon, sama kanhi sa gibuhat sa Israel, namiya kini Kaniya, ang Tuboran sa Tubig nga buhi, ug nanagkalot alang sa ilang kaugalingon nga tangki. Ug nahimo kini

nga puloy-anan sa bisan unsang butang nga nahigugma nianang matanga sa tubig. Mga tabeli, mga baki, ug ang tanang matang sa mahugaw nga mga kagaw, mopuyo niini, tungod kay tangki kini nga binuhat sa tawo. Ug dinhi ning maong tangki kining mga mananapa magpuyo, mao kini ang hingpit nga panag-ingnan sa atong mga denominasyon karon.

"Karon," moingon kamo, "Igsoong Branham, nganong imo mang giigo kanang mga katawhan sa labihang kagahi?" Kinahanglan nga maingon kini niana. Kinahanglan nga maigo sa ingon niana. Pahilayo niini, tungod kay sa katapusan mahimo kining marka sa mapintas nga mananap. Hinumdumi, nga kini mao ang Kamotuoran! Mopaingon kini sa marka sa mapintas nga mananap. Ang denominasyon mopaingon dinhi niini. Kini anaa na sa iyang dalan karon, aron pagpatuman, pinaagi sa gahum.

Tan-awa diha sa karaang Romanhong emperyo. Mao kana gayud ang modala kanila ngadto sa marka sa pagdaos-os. Makita mo nga walay makapamalit o makapamaligya kong walay marka sa mapintas nga mananap. Kinahanglan nga mabatonan niya kiini.

23 Adunay duha lamang ka matang sa mga tawo sa ibabaw sa yuta; sila nga may Timaan sa Dios, ug sila nga may marka sa mapintas nga mananap. Duruha lamang ka matang, busa kinahanglan nga imong mabatonan ang usa niining duha. Mao kini ang pagdaos-os, a-ang marka sa-sa relihiyon, relihoyong midaos-os.

Ug mopadulong kini ngadto sa larawan sa mapintas nga mananap. Sumala sa atong pagtuon, atong hingsayran nga mao ang Roma kanhi, karon, ug mao sa kanunay, ang mar- ...o ang mapintas nga mananap. Husto kaayo. Walay laing paagi ang pagpakaangkon niini bisag asa. Ang Roma!

Ug unsay gibuhat sa Roma? Gibalhin gikan sa paganong Roma ngadto sa papadong Roma, ug nag-organisa ug usa ka sistema, usa ka sistemang kalibutanon, nga magpilit sa matag-usa ngadto nianang usa ka relihiyon o kaha patyon ka.

24 Ug usa kini ka talagsaong butang nga kining Estados Unidos mitungha sa eksena, ug sama kini sa nating camero. Ug ang nating camero adunay duruha ka buok nga magagmayng sungay, nga mao ang sibil ug mga katungod sa simbahan. Ug wala madugay, kadtong maong nating camero, atong nakita nga diha-diha misulti kini sama sa usa ka dragon ug gipalihok ang tanang kagahum nga gitugyan sa dragon ngadto niini. Ug ang Biblia nagtug-an kanato nga sila nanag-ingon, "Magbuhat ta ug usa ka larawan alang sa mapintas nga mananap." Ang larawan susamag dagway sa usa ka butang. Ug karon ato nang makita kana, diha sa kahimtang sa pagdaos-os, ang simbahan nanagmugna ug Concillo sa mga Kasimbahanan sa Kalibutan, kinsa maoy larawan sa gahum sa Roma; ug maoy magpilit sa katawhan sama sa gibuhat sa paganong Roma ...o sa ginabuhat sa papadong Roma. Busa, wala nay laing paagi pa, wala nay laing butang. Kondili mao kana ang Kamotuoran. Ug mao kanay hinungdan nga gimakmak ko kini dinhi ning akong panahon, sa akong takna, tungod kay kinahanglan nga makmakon ko sa ingon. Ang tawag nga ngadto sa, "Gumula kamo kaniya, mga katawhan Ko, aron dili kamo mag-umalambit sa mga kasal-anan!"

25 Dinhi, gipanag-ingon ko kana niining mga mahugaw, mangil-ad nga mga tangki. "Siya mao ang Tuboran sa Kinabuhi. Siya mao ang buhi nga mga Tubig." Ug gibiyaan kana sa tawo, ug nanagkalot alang sa ilang kaugalingon ug mga atabay nga igo lamang makasalud ug mga kahugawan. Mao lang kanang butanga ang masalud niini. Ug mao kana ang ginabuhat sa denominasyonalismo; magtigum kini sa bisan unsang butang nga moduol ug magpasakop niini. Andam silang modawat kon kini anaay daghang kwarta o makabisti sa laing pamaagi. Bisan kung kinsa pa sila, diin sila magagikan, ila silang dawaton, bisan rag unsaon.

26 Karon atong makita, pag-usab, nga, kining marka sa mapintas nga mananap nga gimugna dinhi. Ang America, mao ang, numero trece. Natawo kini sa napulog tulo ka mga colonya. Anaay bandila niini nga may napulog tulo ka mga bituon, napulog tulo ka mga badlis. Ug anaa pa gani kini sa Pinadayag capitulo 13. Ug ang America sa kanunay babaye kini, nagpakita diha sa atong mga salaping plata. Bisan pa ang ulo sa Indian, diha sa usa ka diyut, usa ka dagway sa babaye. Nasayud ta niana, nakasabot sa kasaysayan niini. Ang tanan, ang Lingganay sa Kagawasan, ug ang bisan unsa pang butang, ang kagawasan ... Ang Kahimtang sa Kagawasan, ang tanan, usa ka babaye. Usa ka babaye; numero trece. Nakita mo?

Karon, maayo kaayo a-ang pagpakakita ta nianang mga butanga.

27 Ug karon akong gibanabana pinaagig pinadayag nga gikan sa Dios, o sa usa ka panan-awon sa 1933, nga anaay pito ka mga butang ang mahitabo sa dili pa ang katapusang panahon. Ug kana, ang usa kanila, mao, si "Mussolini," nga nahimong diktador, "mahimo siyang diktador. Ug, usab, iyang buhaton ang pagpanlupig ug moadto sa Etiopia, ug bihagon ang Etiopia. Ug ang Espiritu, miingon Kini, nga 'Mahulog siya sa iyang lakang.'"

Ambot lang kaha kon anaa pay mga karaan nga nagpabilin dinhi sa Tabernaculo, ang nahinumdom kanako nga nagsulti niana diha sa Hawanan sa Redman dinhi niini samtang nagwali kami, sa daghan, ug daghan nang katuigan ang nanglabay. Ania bay usa dinhi sa tigumanan, ning gabhiona, nga nahibilin pa gikan didto sa Hawanan sa Redman samtang giwali ko kana, samtang anaay ilang N.R.A. didto, kanhi sa panahon unang termino ni Roosevelt? Sa akong pagtoo walay usa nga ania dinhi. Ania bay usa? Oo, oo, usa, anaay usa. Oo, si Mrs. Wilson, nahinumdom na ko kaniya. Ang asawa ko, naglingkod diha sa likud. Duha ang nahibilin, gikan sa kanhing kaliwatan niadtong adlawa. Nga, sa dihang miingon sila nga kining N.R.A. mao ang marka sa mapintas nga mananap, matud ko, "Walay labot niini; wala gayud. Ang marka sa mapintas nga mananap wala maggagikan dinhi. Kini nagagikan sa Roma. Ug dili gayud kini mahimong marka sa mapintas nga mananap."

28 Ug karon hinumdumi nga kining mga butanga giingon. Nagkanayon, si "Adolph Hitler modangat sa katingad-ang katapusan. Ug iyang ipahayag ang gubat sa Estados Unidos. Ug magtukod silag usa ka dakung-u-usa ka dakung butang malig-on, nga bisan pa niini makapuyo sila niini. Ug diha niana ang mga Americano magadawat ug makalilisang paglatigo, niini." Ug mao kadtong linya sa Siegfried, napulog usa ka tuig sa wala pa kini sugdi pagtukod. Ug unya ginaingon, "Apan mopaingon siya sa katapusan; ug ang Estados modaug sa gubat."

Ug unya giingon, nga, "Anaa pay tulo ka mga isismo; Nazismo, facismo, ug Comunismo." Ug miingon ko, "Silang tanan mopadulong sa comunismo. Ang Russia maoy moangkon niining tanan, diha sa comunismo."

Ug miingon ako, "Ug unya ang siyensya modaku pa pag-ayo, mouswag ang kinaadman sa tawo, hangtud nga makamugna siyag daghang mga butang hangtud nga makamugna siyag awto nga daw itlog tan-awon, nga may daw sama sa salamin ang ibabaw niini, ug kini pagadad-on pinaagig ubang gahum kay sa manubila." Ug naangkon na nila ang awto.

29 Ug miingon ako, "Ug unya ang kadunggan sa atong kababayen-an mahugno ngadto sa makauulawng mga butang, hangtud nga mahimo silang kaulawan sa tanang kanasuran. Managsul-ob silag bisti nga alang sa lalake. Ilang papadayon ang paghukas sa ilang mga bisti hangtud nga mogula sila nga daw nagpante na lang, kana lang. Ug, sa katapusan, magsul-ob na lang silag sama sa dahon." Ug kon inyong hingmatikdan, sa miaging bulan sa Life magasin, anaa nay ilang babaye nga nagsul-ob sama sa dahon. Ug mao kanay bag-ong bisti sa gabii, o kupo, kung unsay ilang gisul-ob sa gabii; masihag, makita niini ang sa sulod, ang dahon lamang maoy nagsalipod sa gamayng bahin sa iyang lawas; nga walay bakus, o bakus, walay bakus nga suot alang sa pagkaligo, ang sa taas niini, gipakita ang lawas. Ug nganong nahitabo man kanang mga butanga!

Ug unya miingon ako, "Nakita ko ang usa ka babaye sa Estados Unidos, nga sama sa usa kabantugang rayna o maingon niana. Ug matahum siyang tan-awon, apan dautan sa iyang kasingkasing. Ug iyang gipasunod ang nasud, sunod sa iyang lakang."

30 Ug unya miingon ako, "Sa katapusan, giingnan Niya ako sa paglingi pag-usab sa Silangan. Ug, sa nabuhat ko na, nakita ko, ang samang tan-awon, sama kaniadto, sa kalibutan nga mibuto. Ug kutob sa akong nakita, wala nay nahibilin u-ug ang mga bato nga nagakaugdaw mibuto gikan sa kalibutan." Ug mahitabo kini sa dili pa matapos ang kalibutan. Ug lima gikan sa pito ang nahitabo na, sulod sa katloag tulo ka mga katuigan.

Anaa ra kita, balik sa katapusang panahon! Ug namulong ako dihadiha batok nianang denominasyonal nga sistema. Ug sa gihapon nagtoo ako, ning gabhiona, nga usa kini ka basurahan sa mga hugaw, nga mao kanang dapit diin ang mga hugaw matingub dinhi niini. Dili ako makotoo nga makahimo ang Dios sa pagkuhag ingon niangang butanga diha sa Iyang Iglesia, tungod kay kini natawo man gayud sa Espiritu sa Dios ug dayon gihinloan sa wala pa kini tawaga nga Iya. Ang dili makita na Lawas ni Cristo, kitang tanan gikabatuismohan ngadto Niini pinaagi sa bautismo sa Espiritu Santo.

31 Oo, kining tangki nga sistema hingpit gayud nga panag-ingnan sa denominasyon. Ang tawong manggialamon kinahanglan nga motutok, ug dili gayud moadto niini, tungod kay gipamatud-an kini sa Dios sa mga kapanahonan nga batok Siya niini ug dili gayud mamuhat uban niini. Ang bisan unsang pundok ... Sa panahon nga may tawong motungha uban sa mensahe, sama kang Luther, Wesley, o sa uban pa, ug si Smith, ug Calvin, ug sila; sa dihang misugod silag kapunongan, gitagoan sa Dios ang butang diha sa sakuban ug dili na gayud moduaw pag-usab diha sa usa ka rebaybal.

Tan-awa ang kasaysayan. Niini wala gayud ing panahon nga ang Dios migamit ug denominasyon, nga naghimog rebaybal gikan niini, wala bisan asa. Ug unya, pinaagi sa kasaysayan ug pinaagi sa Biblia, kini nagpamatuod nga mahugaw kining butanga sa panan-aw sa Dios, busa dili ako manginlabot niini. Ug mao kanay hinungdan nga batok ako niini. Naningkamot ako pagsakmit sa katawhan gikan niini.

32 Gidapit kitang tanan, sama sa Israel, mao man usab karon, ang pagtan-aw sa Israel ingon nga panag-ingnan. Sila, samtang magpabilin sila sa Tuboran, kanila walay kakulian. Apan sa nagsugod sila pagkalot alang sa ilang kaugalingon ug mga atabay, mga sistemang binuhat sa tawo, dihadiha gibiyaan sila sa Dios. Buhaton kanato sa Dios ang ingon. "Ilang gibiyaan Siya, ang Tuboran sa buhing Tubig." Mao kana ang mulo sa Dios batok kanila. "Aron pagbuhat ug mga butang nga mahimong isulti nila, 'Nakita Mo kung unsay among ginabuhat!'"

33 Karon, sa panahon sa-sa pagpanaw ni Moises; samtang ang Dios, pinaagi sa grasya, mihatag kanilag usa ka profeta, mihatag kanilag Haligi nga Kalayo aron maoy mag-una kanila, nagpaluyo Niini pinaagi sa mga ilhanan ug mga katingalahan. Ang Grasya maoy nag-andam niining tanang mga butang. Sa gihapon ang Israel nangandoy pa, ug balaod. Ilang gisalikway ang grasya, aron dawaton ang balaod. Mao kanay tukmang ginabuhat sa katawhan karon. Gidumilian nila ang Pulong, aron modawat sa sistemang denominasyonal, tungod kay diha niana mahimong buhaton nila ang buot nila ug magpabilin niini. Apan dili mo kana mabuhat diha kang Cristo! Kinahanglan nga moduol ka nga hinlo ug tin-aw, aron maiya ni Cristo.

34 Mibiya sa artesyan, tungod sa usa ka sistemang tawhonon o tangki, mapamalandong mo ba ang usa ka tawo nga nagbuhat niana? Mapamalandong mo ba ang kahimtang sa kaisipan sa tawo nga makainum sa lab-as nga tubig diha sa artesyan, ug dayon mobiya niana tungod lang sa binuhat sa tawo nga tangki nga may mga baki, ug mga tabeli, ug mga pitopito, ug daghan pang uban nga ania niini? Wala ako maghunahuna nga daw husto, apan mao kanay tukma sa unsay ginabuhat sa katawhan. Ilang gitalikdan ang Pulong, ang matuod nga Tuboran sa Dios ug Gahum, aron lang makainum sa gikan sa mga atabay, ug nanagkalot alang sa ilang kaugalingon ug mga atabay. Sama ra sa ilang ginabuhat kanhi, gibuhat usab kini nila karon.

Sila moingon ... Siya miingon, "Sila mibiya Kanako." Ania karon Siya miingon, dinhi sa Jeremias 2: 14, o sa 13, diay. Siya miingon, "Sila mibiya Kanako, ang Tuboran sa Tubig nga buhi."

35 Karon, ato nang nakita kung unsay tangki. Ato nang nakita kung unsa masalud niini. Ato nang nakita giunsa kini pagbuhat. Usa kini ka buhat sa tawo nga nagagikan sa mahugaw nga atop. Ang tubig nga mangatagak, moagi diha sa mahugaw nga atop, ug maoy mohugas niini sa atop, ug ipaagi kini diha sa binuhat nga sandayong, paingon sa binuhat nga tangki. Ug ang tanang mga hugaw matingub niana, ug a-ang mga kagaw, ug ang mga tabeli, ug mga baki, ug ang mga butang diha sa yuta, sama niana. Ug, himatikdi, sila mao ang mahugaw nga mananap; pitopito, ug malan-ag. Ang mga pitopito dili mabuhi sa maayong tubig. Kon mopuyo man kini, nan kini maoy mopatay kaniya. Kinahanglan nga anha ra siya sa malan-og.

36 Ug mao kanay kahimtang niining kadaghanang mga dangan karon. Dili ka mabuhi sa tubig nga matin-aw sa Espiritu Santo. Mao kanay hinungdan nga hingpit gayud silang mosupak sa Pulong, ug moingon, "Kini supak sa . Iyang kaugalingon. Walay mahimo Niini." Tungod kay aduna silay daghang malan-og nga linaw aron mokiaykiay niini. Husto. Sama ra kini sa mga baki, ug sa mga tabeli, ug sa mga pitopito, ug ang ingon niana. Kinahanglang moanha sila sa kalapokan o sa malan-og nga tubig, aron mopuyo, tungod kay mao kanay ilang kinaiya nga mopuyo diha. Ug dili mo mabag-o ang mananap hangtud nga mabag-o mo ang kinaiya niini. Ug dili mahimong makakita ang tawo sa Pulong sa Dios hangtud nga ang iyang kinaiya mabag-o; ug kung mausab na



ang iyang kinaiya gikan sa kung unsa siya, ngadto sa pagka anak sa Dios, ang Espiritu Santo mosulod kaniya. Ang Espiritu Santo maoy nagsulat sa Pulong sa Dios!

37 Karong adlaw nakigsulti ako sa akong maayong higala, nga si Doctor Lee Vayle, kinsa ania karon. Ug usa siya ka batid sa tiyulohiya, ug usahay magmagkalantugiyay kamig maayo bahin sa Kasulatan. Maalam kaayo. Ug gipangutana niya ako usa niana ka higayon kung unsay akong hunahuna bahin sa unang ilhanan sa Espiritu Santo, "Mao ba ang pagsultig mga dila?" Sa dugay na kining mga katuigan. Matud ko, "Dili; walay makita niana."

Siya miingon, "Ni ako man," nagkanayon, "bisan pag gikatudloan ako niana." Siya miingon, "Unsa sa imong paghunahuna unsa may kalig-onan?"

Matud ko, "Ang labing hingpit nga kalig-onan nga nakab-ot sa akong hunahuna mao ang gugma." Ug busa naghigot kami niana. Ug diha niana akong gihunahuna nga maayo kana paminawon busa mipabilin ako niana, "Kon ang tawo makabaton ug gugma." Apan usa niana ka adlaw ang Ginoo, diha sa usa ka panan-awon, nagtul-id kanako. Ug Siya miingon, nga, "Ang kalig-onan sa Espiritu mao kadtong makadawat sa Pulong," dili ang gugma, ni ang pagsultig mga dila, kondili ang pagdawat sa Pulong.

38 Ug unya miingon kanako si Doctor Vayle, nga, "Uyon kana sa Kasulatan," matud niya, "tungod kay, sa Juan 14, si Jesus miingon, 'Kun Siya ang Espiritu Santo moabot na kaninyo, Iyang ipadayag kining mga butanga kaninyo, nga gikatudlo Ko kaninyo, ug ipakita Ko kaninyo ang mga butang umalabot.'" Busa mao kanay bug-os nga kalig-onan sa Espiritu Santo! Wala pa gayud Siya mosulti kanakog mga butang nga sayup. Kana, "mao kana ang kalig-onan sa Espiritu Santo, siya nga makadawat sa Pulong, kon madawat mo Kini." Tungod kay, wala gayud si Jesus mag-ingon, nga "Kun moabot na ang Espiritu Santo, mosulti kamog mga dila." Wala gayud Siya mag-ingon, kun moabot na ang Espiritu Santo, makabuhat kag bisan unsa nianang mga butanga. Kondili miingon Siya, "Iyang dalhon kining Akong mga butang ug ipakita sila kaninyo, ug ipakita kaninyo ang mga butang nga umalabot." Busa mao kana ang bug-os nga kalig-onan sa Espiritu Santo, sumala kang Jesus Mismo.

39 Busa kining tanang mga pagbati nga anaa sa tawo ug sa gihapon nagkinabuhi pa niini, inyong makita kung nganong gibuhat kini nila. Tan-awa, nangahimo kini nga denominasyon, o usa ka linaw nga malan-og, ug wala gayud ing usa ka denominasyon nga namugna sa ibabaw sa imp- ... ang hingpit nga Pulong sa Dios. Dili kini makahimo niini, tungod kay dili mo mapili o mahimong manduan ang Dios. Dili. sir!

Ang hinungdan mao, makaangkon kag panon sa kalalaken-an nga motoo sa Pulong, tugotan sila sa pagsugod ug kapunongan. Ang unang butang nga hisayran mo, sulod sa usa ka tuig manggawas ang daghang kaayong mga buang diha niana nga niini wala ka nay mahimo. Nakakupot na sila, ug wala kanay mahimo bahin niini. Nahimo na kining tangki, ug nahimong usa ka dapit diin ang matag usa makig-uyonay niini, niana, o sa uban, aron mahimong sakop niana, o pasudlon ang katawhan.

40 Atong nakita, nga kining sistema nagsugod usa niana ka higayon, kanhi sa mga adlaw sa mga Israelinhon, samtang nanagkalot sila niining mga atabaya. Ug dihay usa ka tawo ug usa ka panon sa mga Fariseo kinsa nanagkalot ug mga atabay. Ug dihay ilang usa ka tawo nga ginganlag Herodes, ug siya mao ang tigpahayag, ang gobernador sa nasud. Ug miadto siya aron mamati sa usa ka tawo nga wala hilimbongi sa ilang mga denominasyon. Siya usa ka profeta. Ug walay profeta nga makighiusa sa denominasyon, kondili mayugot hinoon niini.

Kining maong profeta misugod sa pag-ingon, "Ayaw kamo pagsugod pag-ingon sa inyong kaugalingon, 'Si Abraham maoy among amahan,' tungod kay sultihan ko kamo nga ang Dios makahimo sa pagpatindog ug mga anak alang kang Abraham." Ug nanagdala silag mga tawong inila aron magpatalinghug kaniya. Ug kining tawong inila mikuha sa asawa sa iyang igsoon, ug mipangasawa kaniya. Ug unsay gibuhat niadtong tawhana nga miadto sa iyang atubangan ug miingon? Nagdahum sila nga mopahiuyon siya, ug moingon, "Karon, sir, ikaw, anaay imong maayong lingkuranan diha. Ug kinahanglan nga ... Akong gikalipay nga ania ka aron mamati kanako karon." Dihadiha miadto si Juan sa iyang atubangan, ug miingon, "Dili uyon sa balaod ang pag-angkon mo kaniya." Ang unang butang nga iyang giingon, iyang gisinggitan siya tungod sa iyang kasal-anan.

41 Tan-awa, ang mga denominasyon nanagbuhat ug malan-og nga mga lim-aw diin

ang lalake makigpuyo sa kababayan-an, ug silang kababayan-an makapadayon, ug magpaputol sa ilang buhok, ug managsul-ob ug mga short, ug uban pa, ug unya tawgon ang ilang kaugalingon nga mga Cristohanon. Apan ang matuod nga tuboran, alleluia, sa Gahum sa Dios, dili kini makapabilin diha, tungod kay mao Kini ang mopagawas. "Ako mao ang Tuboran sa mga Tubig nga buhi. Sila mingbiya Kanako, aron magkalot alang kanila ug mga atabay."

Karon, ang usa ka tuboran sa tubig nga buhi, atong nakita, kung unsay tuboran sa tubig nga buhi? Atong nakita kung unsay atabay, karon unsa may tuboran sa buhing tubig? Mao kanang artesyan nga nagtubod. "Usa ka artesyan sa tubod, unsa kana, Igsoong Branham?" Usa kini ka atabay nga nagagikan sa ilalum ug nagpabuhagay kini sa tubig. Nagbuhagay kini sa tanang panahon. Usa kini ka nagkinaugalingon. Sa kanunayng lab-as ug limpyo, ang artesyan nga nagtubod, usa ka tubod sa buhing tubig. Dili kini patay ug malan-og. Buhi kini, sa kanunay kining nagbag-o, nga magadala ug bag-o sa matag takna, nagalihok, nga nagagikan sa tinubdan niini. Kini nagakuha sa iyang kahimoan gi-gikan sa katilingban sa tubig, nga mao ang ... sa gihapon ang tuboran sa mga tubig nga buhi nagabisibis. Sa kinaugalingon naghinlo; mahinlo kini, lunsay, hinlo nga tubig. Nagkinaugalingon ra kini; dili na kinahanglan nga magpaabot ka pag ulan aron pagpuno sa tangki. Sa kanunay kining nagabukal, nagahatag kinig tubig nga libri. Dili kinahanglan nga magbomba ka pa, magtuyok niini, motuyok niini, moipongniini. Tuboran kini sa mga tubig nga buhi.

42 Nasayud ba kamo, gamita kining karaang mga tangki, kinahanglan nga imo pa kining hasoon ug hasoon kini ug hasoon kini, ug bombahon ug uban pa, aron lang pagkuha ug gamay nianang malan-og nga tubig. Huh! Apan ang Tuboran sa tubig nga Buhi mohatag Kini niini, nga libri, nga dili na bombahon, moipon, sa bisan unsa pa.

Oh, nalipay aka tungod nianang maong Tuboran! Oo, sir! Dili kinahanglan nga salaon Kini, aron kuhaon ang mga dangan. Tungod kay nagagikan man kini sa kinahiladman, didto sa Bato, hangtud nga wala nay dangan didto. Wala kini magkinahanglan ug edukasyong trapo nga gibitay Niini, husto kana, mga kalibutanong binuhat nga sistema sa kaalam nga denominasyonal; aron pagsulti kaninyo, sa atubangan sa doctor sa utok, kon makahimo ka ba pagwali o kaha dili. Wala Kini magkinahanglan ug mahugaw nga mga trapo nga nagbitay niini. Ibugwak Niini dihadiha sa diha nga imong ibutang kini diha. Dili mo kini mahimo. Kanang maong atabay nanagbugwak sa tanang takna. Sungsonian mo kinig usa ka trapo, ilabay kini niini ngadto sa gawas diha sa pikas bahin o sa lain. Wala akoy panahon sa usa ka denominasyonal nga trapo.

43 Wala na kini magkinahanglan ug salaon, ni igsasala, ni magbomba pa, ni labnoton pa, ni bisan unsa pa man. Anaa na kini diha, nga nagabukal. Wala kini magsalig sa lokal nga ulan aron pagpuno. Ang mga ulan mao kanang mga "rebaybal." Diin? Diha sa Tuboran, anaa kana sa Tuboran sa Kinabuhi. "Diin gani ang Patay, atua didto ang mga agila managkatapok." Dili kinahanglan nga bombahom mo ang rebaybal; dili kinahanglang bombahon mo pa. Ang bugtong butang nga pagabuhaton mo mao lamang ang pagduol sa Tuboran. Sa kanunay Kining pun-a ug maayo, lab-as nga tubig, ug walay pagkatapos niini. Nagpadayon ra kini nga magbukal.

Dili kinahanglan nga moadto ka pa sa tangki, ug moingon, "Hinunon, kong moulan kini ug mobanwas sa bodiga, nan anaa na tay mainum." Nakita mo? Naku, naku! Dili kini. Kanang artesyan kanunayng nagabugwak ug maayo, mabugnawng tubig sa tanang takna. Makasalig ka niini. Dili kinahanglan nga moingon ka, "Tan-awa, moadto ako ngadto nianang karaang tangki. Naanad ta pag-inum gikan niini, apan wala na kini moulan sa dugay nang panahon. Sultihan ko kamo, nga tingalig uga na kini."

44 Sama ra kana sa mga binuhat nga sistema. Mahimong mosulod ka, kon anaay imong dakung butang nagpadayon, usa ka dakung panon nga namaligyag mga butang, o—o ubang matang nga nagpadayon, ang usa ka dakung pundok ug mga butang nga nagpadayon, mga dula nga binuang, ug mga katiguman sa silong, ug mga butang, tingalig makakita kag tibuok balay. Apan diin ka moadto diin kanang Tuboran nagbukal, kanunay, ang katawhan atua didto nanguhag mga maayong butang, mabugnawng tubig nga ilimnon. Makasalig ka kanunay Niini! Magkanayon, "Walay ilang usa ka rebaybal sulod sa napulo ka katuigan"? Kon magkinabuhi ka pinaagi nianang maong tuboran, sa kanunay anaay iyang rebaybal nga mapadayonon.

45 Sama sa giingon sa usa ka Welshman. o, sa usa ka higayon samtang may ilang rebaybal, dihay daghang mga tawong inila nga nagagikan sa Estados. Kadaghanan kanilang bantugang mga Doctor sa Divinidad ang miadto sa Wales, aron pagsuta kung diin ug kung unsay ipasabot niining tanan. Busa nagsul-ob silag mga pinatikig nga kwelyo, ug sa ilang sampung nga mga kalo, ug nanglakaw sila diha sa dalan. Ug ania karon may nag-inusarang polis, nagpatuyoktuyok sa karaan niyang batota diha sa iyang kamot, nga nagtaghoyg "Didto sa namatyang krus sa Manluluwas ko, didto mituaw ako aron sa sala mahinloan; didto ang kasingkasing ko sa Dugo gihugasan, himaya sa Iyang Ngalan," nga naglakaw diha sa dalan. Busa miingon sila, "Daw usa kini ka tawong relihiyoso. Mangadto ta ug pangutan-on siya." Ug matud nila, "Mister!"

Mitubag, "Oo, sir?"

Miingon siya, "Nanganhi kami nga gikan pa sa Estados Unidos. Mga pinadala kami. Nanganhi kami dinhi aron pagsuta sa giingong, Welsh rebaybal. Mga Doctor kami sa Divinidad, ug nanganhi kami aron tan-awon kini." Matud niya, "Buot kaming masayud kung hain ang rebaybal, ug kun hain kining dapita."

Matud niya, "Sir, nahiabot na kamo. Ako mao ang Welsh rebaybal." Amen! "Ang Welsh rebaybal ania kanako. Ania dinhi niini."

46 Sama ra kini kung magkinabuhi ka pinaagi sa Tuboran sa mga Tubig nga buhi. Buhi Kini sa kanunay, kanunayng nagabukal, ug sa kanunay gayud. Walay katapusan kini. Wala, "Lakaw, tan-awa kon ang mga tubig, kong naa bay atong ulan dinhi dili pa dugay," dili kana mao. Mao kana ang Tuboran sa Tubig nga buhi.

Sumala sa akong pag-ingon, kini mohatag sa libring Tubig Niini. Dili kinahanglan nga butangan mo pa kinig panapton, aron sutaon; ang ubang trapo sa kinaadman, sa dili mo pa siya ikapadala aron pagwali, ug tan-awon kon husto ba ang pagkasulat sa iyang mga pulong, husto ba ang pagkalitok kanila, kon migamit ba siyag mga nobre o puli ngalan, ug uban pa, ug mga adhetibo. Daghan kanila ang wala gani makaila kung unsa sila, apan nagpuyo siya diha sa Tuboran nga mao ra, nagtan-aw, nga mao ra.

47 Dili kini magsalig sa lokal nga ulan, aron pagpuno niini, o sa lokal nga mga rebaybal, alang niini. Dili kini magsalig sa ingon, tungod kay ang gahum niini ug ang kaputli niini anaa sa sulod sa iyang kaugalingon. Diha niana magagikan ang Pulong, sa Kaugalingong Gahum Niini! Kun ang tawo makadawat Niini sa sulod sa iyang kasingkasing, makabaton kini sa kaputli Niini. Makabaton siya sa gahum Niini. Anaa ra kini sa Pulong Mismo, mga tubod sa Kinabuhi.

Ang Israel mipahilayo gikan Niini, nakabaton silag kagubot. Sa matag higayon nga magpahilayo sila gikan Niini, magkagubot sila. Sama ra sa atong ginabuhat karon. Kung ang rebaybal mopahilayo gikan Niini, nan dili na kini maayo. Magkalot na kini sa iyang kaugalingon ug mga atabay, ug, o sa mga malan-og na mga tangki, ug mao na kana.

48 Apan sa kanunay Iyang gitabangan sila. Ang pagbagulbol didto sa Mapulang Dagat, unya samtang nagbagulbol sila. ..Ngani, balus nianang tanan, Misaad Siya, naghatag kanilag saad. Unta angay na Niyang talikdan sila, sa kahimtang sa atong pagtan-aw niini; apan misaad Siya sa pagkuha kanila didto. Unsa may Iyang gibuhat? Silang mga anak sa Israel, nagtagana Siya kanila sa Haligi nga Kalayo ug uban pang mga butang, aron pagpamatuod, ang ilang profeta. Ug ilang giagak sila gikan didto paingon sa dagat. Ug, sa kanunay, anaay kagubot batok Niini. Ug ania karon ang Faraon ug ang iyang kasundalohan. Ug nasayud ba kamog unsay gibuhat sa Dios? Iya lang gibuksan kadtong mapula, malan-og nga tangki. Ang Patayng Dagat maoy labing patay nga butang sa kalibutan. Patay kini kaayo. Malan-og kini. Walay mabuhi dinhi niini. Ug Iya kining gibuksan ug gipahigawas sila, didto sa pikas tampi. Iya silang gidala diin dili na sila mahimong magapus pa sa mga butang nga ingon niana.

49 Didto sa kamingawan, ilang nakita nga ang mga tangki dili kasaligan; nangauga na sila. Nakita, nga moadto sila gikan sa usa ka atabay ngadto sa lain. Sa didto pa sila sa kamingawan, naghimalatyon na sila, tungod sa wala pagpakainum ug tubig. Ug moduol sila ngadto sa tangki dinhi niini, ang usa ka linaw; nangauga na. Nangadto sila sa usa ka dapit; uga na usab kadto. Wala na sila makahunahuna kun hain sila magkuha ug ilimnon. Ug unya diha sa labing sukwahi nga dapit diha sa tanang kamingawan, nakakaplag silag tubig. Didto kadto sa usa ka bato. Didto kadto sa usa ka bato. Ang labing sukwahi nga dapit diin ang tawo makakaplag ug tubig, diha sa mamala nga bato didto sa taliwala sa kamingawan. Apan, nakita ninyo, ang Dios nagbuhat ug mga butang

nga sama niana. Didto sa labing sukwahi nga dapit, didto sa labing talagsaong kahimtang. Mao kana ang anaa kanato kanunay.

50 Nagdahum sila nga kinahanglan anaay atong dakung denominasyonal, nga kahiusahan, ug paduola silang tanan pagtingub ug magbuhat tag daku ug gamhanang intosan dinhi, ug uban pa, ug panguhag mga linibo aron motabang, ug tanan sama niini. aron makaangkon ug rebaybal. Usahay ang Dios mokuha ug usa ka tigulang lalaki nga dili ngani makaila sa iyang ABC's ug diha sa daghang mga tawong way alamag nga maglisud pag-ila sa ilang tuong kamot gikan sa wala, Mahimo Niya ang pagpatindog ug rebaybal na makapay-og sa kalibutan. Iya kining gibuhat sa panahon ni Juan. Iya kining gibuhat sa panahon sa mga profeta. Walay usa kanila, sumala sa atong hingbaloan, nga mga edukado, apan makuha sa Dios sila ug magbuhat ug mga butang uban kanila.

51 Dinhi niining maong Bato migula ang mga tubig. Siya mao ang Bato. Ug Iyang gisugo kining Bato, ug kinahanglang bunalan. Ug mihatag Siyag madagayoang lunsay, lab-as, limpyo nga tubig alang sa tanan nga moinum. Iyang luwason ang tanang moinum gikan Niini. Usa ka hingpit nga panagkadugtong sa Juan 3:16. ...gihigugma gayud sa Dios ang kalibutan, nga gihatag niya ang iyang bugtong Anak, ... ang tanan nga mosalig kaniya dili malaglag, kondili makabaton sa kinabuhing dayon.

Gibunalan sa Dios kadtong maong Bato, didto sa Calbaryo. Ang atong pagkahinukman diha sa ibabaw Niya, aron nga gikan Kaniya moabot ang Espiritu sa Kinabuhi nga magahatag kanimo ug kanako sa Kinabuhing Dayon. Mao kana ang hingpit nga sambingay Niini, didto sa maong kamingawan.

52 Dili na kinahanglan nga ila pang birahon, Kaloton, bombahon, o bisag unsaon pa; dawata lang ang Iyang giandam nga pamaagi, nga walay bayad. Diin, dili na kinahanglan nga kaloton pa nila kini gikan sa linao. Dili na kinahanglan nga ila pang birahon kini gikan sa timba. Dili na kinahanglan nga tuyokon nila aron makaabot niini. Igo ra silang modawat niini. Ug diha lang kutob kanang tanan karon. Dili kinahanglan nga moipon ka pa. Dili kinahanglan nga moadto ka pa sa altar aron maghagog usa ka butang, nga magbomba niini. Dili kinahanglan nga balikbalikon ug balikbalikon mo pa ang pulong pagsulti, hangtud nga maangkon mo na hinuon ang kalibog sa sinultihan. Ang bugtong butang nga imong pagabuhaton mao ang pagdawat Kaniya, nga libri, ang giandam sa Dios nga pamaagi. Dili bombahon, dili itulak, wala nay lain, dawata lang Kini, nga libri. Wala kay laing pagabuhaton; dawata lang Kini. Mao kanang, yanong pagtoo Niini. Kana lang ang ikasulti ko niini. Dili na kinahanglan nga magbuhat pa silang mga butang alang niini. Dili na magkalot pa alang niini. Dili kinahanglan nga moadto pa sila ug hilakan sa tibuok gabii, alang niini. Igo lang sila modawat niini; hinampak ug inandam na. Husto kana.

53 Nagtan-aw aka nianang tawhana karon, nga naglingkud diha sa likud ning maong lawak. Nahinumdom ako nga naghinugilon kaniya niana, diha sa usa ka karaang bodiga usa niana ka adlaw, sa usa ka tigdumala. Ug matud niya, "Apan dautan ako."

Matud ko, "Nasayud ako nga dili ka." Ug giingnan ko, "Ni ako man." Apan matud ko, "Nagtan-aw ka kung unsa ka. Ug hunong sa pagtan-aw kung unsa ka, ug tan-awa kung kinsa Siya."

Siya miingon, "Kon lamang mahimo kong kuhaon kining mga cigarilyo, Igsoong Branham, mahimo gayud a-a-akong usa ka Cristohanon."

Matud ko, "Ayawg kuhaa sila. Nanguha ka mahimong maayo ug unya moduol Kaniya. Wala gayud Siya moanhi aron pagluwas sa maayong tawo; mianhi Siya aron pagluwas sa tawong dautan kinsa nasayud nga mga dautan sila."

Matud niya, "Hinuon ..."

Matud ko, "Paminaw, dili ka gustong moadto sa impyemo, dili ba?"

Matud niya, "Dili."

Matud ko, "Nan, dili ka gayud gusto. Siya namatay aron dili ka makaadto."

Matud niya, "Unsa may pagabuhaton ko?"

Matud ko, "Wala. Ingon lang kini ka yano."

Matud niya, "Apan kon lamang mahimo ko ..."

Matud ko, "Didto moadto ka, balik nianang cigarilyo na usab. Hunong sa

paghunahuna bahin sa cigarilyo. Hinumdumi, paghunahuna bahin Kaniya, kung unsay Iyang gibuhat, kung unsa Siya; dili kay kung unsa ka. Dili ka maayo; ug dili ka kaniadto, ug dili ka gayud sa umalabot. Apan, kung unsa Siya, Siya mao ang Bugtong!" Ug matud ko, "Karon, ang bugtong butang nga pagabuhaton mo; kon tan-awon mo ang imong kahimtang didto, nan sa kinabubot-on dawaton mo kung unsay Iyang ginabuhat. Ang bugtong butang nga pagabuhaton mo mao ang pagdawat niini."

"Ay naku," matud niya, "masayon ra kana. Buhaton ko kana."

54 Matud ko, "Mao kini ang sapa." Nakita mo? Gidala ko siya dinhi ug gibautismohan siya sa Ngalan ni Jesu-Cristo. Ang uban sa iyang katawhan ania dinhi naglingkod, ug nasayud a-ako nga gikataw-an nila ako sa pagbuhat niana, apan nasayud ako kung unsay akong ginabuhat. Nakita ko diha sa tawo ang talagsaong butang tinuod. Makita ko kini diha, ug gidala ko siya ug gibautismohan siya sa Ngalan sa Ginoong Jesus. Ug, sa nabuhat na niya kana, wala madugay hangtud nga miadto ako sa balay sa iyang anak. Nakakita kamig u-usa ka panan-awon sa usa ka kahoy nga nabali sa usa ka dapit, ug nahulog ang tawo, nga hapit mabali ang iyang likud. Gidala siya sa hospital. Ug niadtong gabhiona gipakita sa Dios kanako, nga kadto mao na ang katapusan sa cigarilyo. Busa sa pagkasunod adlaw nangandoy pa siyag daghang cigarilyo. Matud ko, Palitan ko siyag usa ka carton ug dalhon kini kaniya. Bantayi lang ug tan-awa, ang mga adlaw sa iyang panabako wala na." Wala na gayud siya manabako bisag kausa sukad, ug wala na gayud mangandoy pa ug usa sukad.

Dios! Tan-awa, ang unang butang nga pagabuhaton mo mao ang pagduol nianang Tuboran. Kinahanglan nga mopaduol ka nianang maong Tubig, ilha nga wala kay arang mahimo. Nag-agad kini sa unsay Iyang nabuhat alang kanimo. Dili kinahanglan nga magkalot ka pa; dili kinahanglan nga imo pang bombahon; dili kinahanglan nga hunongon mo kini, dili kinahanglan nga hunongon mo kana. Ang bugtong butang nga pagabuhaton mo mao ang pagpaduol niana ug moinum. Kana lang. Kong uhawon ka; inum!

55 Karon, Siya mao kadtong Bato. Gihampak Siya Dios tungod kanato, ug mihatag Siyag madagayaon ug lunsayng, mahinlo nga tubig. Iya pa kining gibuhat, karon, alang sa matag usa nga motoo. Mao kini ang Iyang grasya, sa pagkatinuod, ngadto sa Iyang katawhan, kanato.

Anaay butang nga sama niana, sama sa katawhan karon, nga andam pagdawat kung unsay ilang makuha, apan dili buot mohatag ug bisan unsang bulohaton isip balus. Ang Israel andam na sa—sa pag-inum gikan sa bato karon, apan dili sila buot mohatag sa Dios sa Iyang pag-alagad nga angay lamang Kaniya.

Ug kanunay Siyang nag-alagad kanato. Nahibalo kamo, dili ta gani makaginhawa kung wala Siya. Dili ta makaginhawa kung dili Siya mobuhat. Mao kana ang atong pagsalig ngadto Kaniya. Ug, bisan pa niana, daw mabahin kita kaduha kon sulayan ta pagbuhat, magbuhat ug butang alang Kaniya. Iya tang gisugo sa pagbuhat ug usa ka butang, ang paglakaw aron pagtan-aw kang bisan kinsa, palakton aron pag-ampo kang bisan kinsa, palakton aron pagtabang kang bisan kinsa, daw makapadaot kini kanato, sa pagbuhat niini. Apan dili ta buot mobuhat ug bisan unsang butang Kaniya alang sa pag-alagad.

56 Ang Iyang sumbong mao, "Mibiya sila Kanako, ang Pulong; ug ilis niini, midawat sila ug likian nga tangki. Midawat ...Mibiya sila Kanako, ang Tuboran sa Kinabuhi, ang Tuboran sa Tubig sa Kinabuhi; ug maoy ilang gitinguha ang pag-inum gikan sa malan-og nga tangki."

Mapamalandong mo ba kana? Karon mapamalandong mo ba ang tawo, nga dinhi ania ang usa ka artesyan nga gipahimutang nianang maayo, tubig nga gikan sa bato, nga nagagula gikan sa kasingkasing sa mga bato, diha sa ilalum sa nahimutangan sa mga balas, ug sa uban pa, mabugnaw ug maayo gayud kaayo; ug unya palabihon ang pag-inum sa tangki diha niana, nga hinugas gikan sa ibabaw sa bodiga, ug ang mga inagas, ug sa tanang mga balay sa palibot sa maong dapit? Ug unya ibutang nianang maong tangki diha, diin ang mga hinunob sa tubig mobalik ngadto, gikan sa bodiga, ang mga kamalig ug ang mga pasungan ug ang tanang mga butang nanagpaagay paingon ngadto sa tangki, ug unya buot tang mo ...inum gikan niana sa dili pa moadto nianang artesyan? Kanang tawhana nadaot ang kaisipan. Husto kana.

57 Ug kun ang usa ka lalaki o babaye modawat sa usa ka denominasyon nga ilang

baruganan, nga motugot sa pagpaputol sa buhok, nga masuot ug mga purol, mek-ap, ug tanan pang matang sa mga butang, ug sa—sa ginagmayng, ug uban niining mga butanga, ug moadto sa bolingan, ug—ug sa tanan diha niana nga walay kapuslanan, ug makabutang niana; ug ingon nga daw maayo pa kay sa ilang ginabuhat nga kinaraang urog sa Pulong sa Dios nga pinutol ug mga sinapsap, ug makapahimong mga ginang gikan sa mga babaye, ug moagak kanila... mohimo kanilang magpabistig husto ug magalihok nga husto, mokuha sa mga sigarelyo ug mga tabako, ug sa pagpanumpa ug sa pagpamalikas, ug sa pagpamakak, ug sa pagpapangawat, pahilayo gikan kaninyo, ug ang tanang kalibutan pahilayo gikan kaninyo, ug magahatag kaninyog usa ka Butang nga mao kanang hingpit nga katagbawan. Nganong moadto pa man ang lalake ug ang babaye sa maong butang ingon nga kalingawan? Unsaon mo man sa pagkalingaw diha niana?

58 Unsaon mo man sa pagpakakuhag maayong ilimnon gikan nianang patayng tangki? Nganong buhaton man kini sa tawo?

Kon ang tawo moadto sa usa ka malan-og nga tangki aron pagkuhag mainum, samtang anaay binuksang artesyano, makaingon ka gayud nga, "Kanang tawhana nalisoan sa maayong pangisip." Ug kon ang usa ka babaye o usa ka lalaki moadto sa usa ka dapit aron pagpangitag kalipay, nalisoan sa espirituhanong kahimtang kanang tawhana. Wala sila magtinguha sa Pulong. Kini nagpakita lamang nga ang ilang kinaiya mga baki, o pitopito, o ingon niana, husto kana, anaay kinaiya nga moangay sa malan-og nga linaw. Dili sila makahimo niini; hinlo ra kining tubiga. Dili sila makahimo niini.

59 Karon, mao kadto ang sumbong, "Ilang gibiyaan Kini." Ug niini karon ilang ginabuhat ang samang butang. Karon tan-awa ang babaye didto sa atabay. Tan-awa, miadto siya sa atabay ni Jacob, ug kanunay siyang nagkalos ug tubig sa tanang panahon, sa kang Jacob atabay. Apan ang kang Jacob atabay, nga denominasyon, tawgon ta kini, tungod kay tutulo sila nga iyang gikalot; ug kining usa nga iyang gikalot. Karon, anaay iyang maayong sugilanon. Matud niya, "Karon, ang among amahan maoy nagkalot ning atabay, ni Jacob. Siya mi-inum gikan niini, ug ang iyang mga baka nanginum gikan niini, ug ang uban pa. Dili pa ba kana igo."

Siya miingon, "Apan ang tubig nga imong gikabo gikan diha, uhawon ka pa pag-usab, kinahanglan ka pang mobalik aron pagkuha niini. Apan," nagkanayon, "ang Tubig nga ihatag Ko kanimo usa ka Tubod, usa ka Mainit nga nagabukal nga gikan sa sulod, ug dili na kinahanglan nga moanhi ka pa aron pagkabo Niini. Anaa na Kini diha kanimo."

60 Matikdi. Apan sa iyang pagkamatikod nga usa ka Biblikanhong Tuboran ang gisulti ngato kaniya, pinaagig Biblikanhong ilhanan nga dugay na niyang gipangita, iyang gibiyang kadtong sistemang makidenominsayon ni Jacob ug wala na gayud mobalik pa pag-usab niini, tungod kay iya na mang hingkaplagan ang matuod nga Bato. Nakita mo? Midalagan siya ngadto sa siyudad. Nahigawas na siya sa sala. Dili na siya usa ka babayeng mahugaw. Matud niya, "Dali, tan-awa Kinsay akong nakita, usa ka Tawo Kinsa mitug-an kanako sa mga butang nga akong nabuhat. Dili ba mao kini ang Cristo?" Iyang ... Tingalig mahimong maayo ang tangki; nakatabang kini sa katuyoan. Karon anaa na siya sa usa ka matuod nga Tuboran. Ang tangki maayo ra hangtud nga gikabuksan na ang matuod nga Tuboran. Ug sa paghiabot na sa matuod nga Tuboran, ang tangki nawad-an na sa iyang kusog. Didto nakakaplag siyag usa ka maayong dapit nga imnan.

61 Ug diha niana ang usa ka maayong dapit. Anaay usa ka maayong dapit, ug anaa kana kang Cristo.

Diha sa San Juan 7:37 ug 38, si Jesus miingon, sa katapusang adlaw sa mga tabernaculo, "Kon anaay giuhaw, paduola siya Kanako, ug moinum." Nangalipay silang tanan. Nakabaton silag gamayng tubod sa tubig nga nagagikan sa ilalum sa halaran, u—ug didto silang tanan nanagpanginum gikan niini, sa pagsaulog sa—sa fiesta. Ug nanag-ingon, "Ang among mga amahan nanagpanginum sa espirituhanong bato didto sa kamingawan." Tan-awa, nanagkalot sila alang sa ilang kaugalingon ug atabay, mga tubig nga malan-og nga ilang gibomba sa bisan diing dapita, ug nagbugwak kini didto sa ilalum sa templo. Ug silang managpanuol niining tubiga ug manginum, ug miingon, "Sa milabayng mga katuigan, ang atong mga ginikanan nanagpanginum didto sa kamingawan."

Si Jesus mitubag, "Ako mao kadtong Bato nga didto sa kamingawan." Mitubag, "Kami nanagpangaon sa mana nga gikan sa Langit, ug ang Dios nagpaulan niini."

Miingon, "Ako mao kadtong Mana." Siya, mao kadtong Tuboran, nga nagatindog sa ilang taliwala. Kadtong Tinapay sa Kinabuhi nagtindog sa ilang taliwala. Ug sa gihapon wala sila magkinahanglan Niini. Palabihon pa nila ang ilang tangki; tungod, kay binuhat kini sa tawo, ug ang Dios maoy nagpadala Niana. Mao kanay kalainan. Nanagkalot alang kanilag mga atabay!

Siya miingon, "Kong adunay giuhaw, paduola siya Kanako, ug moinum." Siya mao ang Tuboran. Ug sumala sa giingon sa Kasulatan, "Gikan sa Iyang kilid mobuhagay ang mga suba sa Tubig na buhi." Oh, Siya mao kadtong artesyan!" Gikan sa Iyang sulod, o sa kinasuloran sa pagkatawo, mobuhagay ang mga suba sa Tubig na buhi."

62 Siya mao kadtong Bato nga didto sa sulod, mao kadto ang bato ni Hagar, sa panahon sa kalisud; sa dihang naghimalatyon na ang iyang anak, sa dihang gipalagpot siya sa gawas sa kampo, ug gipalayas didto kauban si Ismael. Ang iyang tubig, sa iyang tangki nga iyang gidaladala, nahurot na. Ug iyang gibutang ang gamayng si Ismael; ug milakaw, nga maabot sa udyong, ug mituaw, ug, oh, tungod kay dili siya buot nga makakita nga mamatay ang bata. Ug sa kalit, misulti ang Manulonda sa Ginoo, ug iyang nakita ang Beer- Beersheba, a—ang atabay didto nga nagabukal, ug hangtud niining adlaw nagabukal pa. Siya mao ang Hagar Beer-Beersheba nga bato nga didto sa kamingawan.

63 Nagtindog Kini dinhi niining Tuboran nga napuno sa Dugo, niadtong adlaw, didto nagatindog sa templo. [Walay suod sa teyp-Ed.] ...sa panahon sa bagyo.

Sa Zacarias capitulo 13, Siya mao kadtong Tuboran nga naabli didto sa balay ni David, alang sa paghinlo, ug alang sa (sala) paghinlo sa sala. Siya mao kadtong Tuboran. Ug diha sa Salmo 36:9, Siya mao ang kang David Tuboran sa Kinabuhi. Siya mao sa gihapon ang maong Tuboran diha sa balay ni David. Ug Siya mao ang magbabalak sa iyang kasingkasing, ang matud sa magbabalak:

May Tuborang punog Dugo,

Sa kang Emmanuel kaugatan,

Kung ang sad-an mabahaan, sa sala mahinloan.

Siya mao ang Tuboran sa Kinabuhi,

Tuboran sa Tubig. Siya mao ang Pulong sa Dios.

64 Ang katawhan ning katapusang mga adlaw mingbiya Kaniya, ang matuod nga Pulong, ang Tubig sa Kinabuhi, ug nanagkalot alang sa ilang kaugalingon mga atabay nga denominasyon; ug, usab, nanagkalot, nagkubkob!

Ug karon atong hingsayran, nga nangliki sila, anaay mga atabay nga likian. Ug unya kining atabaya nangapuno sa mga kagawng dili matinoohon, dili matinoohong andakan, mga tulomanong makaedukar, ug uban pa, kinsa supak sa mga saad sa Dios. Sila mga maduhaduhaon sa Pulong.

65 Karon, kining mga atabay nga ilang naangkon, ang Biblia nag-ingon, sila mga "likian." Ang likian nga atabay, maoy "buslot" nga atabay, ug mohunob ra kini. Unsay mahimo niini? Naghunob kini ngadto sa usa ka relihiyosong basurahan nga ginganlag Concilla sa mga Kasimbahanan sa Kalibutan. Ug diha niana sila ginadala sa likian nga tangki, tungod kay ilang gibaayan Siya, ug nagbaton ...ang Tuboran 'sa Tubig nga buhi; ug nanagbuhat niining mga tangki.

Nanagkalot ug dagkung mga sistema sa kaalam sa seminaryo, edukasyon, ug uban pa. Mao kana ang matang sa mga atabay nga ilang gipanagkalot ning panahona, nga ang tawo kinahanglan makabaton sa Ph.D., o sa LL.D., o Bachelor of Arts, o ingon niana, sa dili pa siya makawali. Mga tangki nga napuno sa tinawhonong tiyolohiya. Ilang gipanagdala sila ngadto niining inila ug dagkung mga tulonghaan sa kaalam, ug didto ilang gipayuhot ngadto kanila ang ilang tinawhonong tiyolohiya, ug ilang gipadala sila uban niana. Unsa nang adlaw nga niini ania kita!

Mga tangking tinawhonon! Walay kasamok sa... Mao diay nga ang butang nangabaho, oh, naku, kana tungod kay ang mga katawhan nanginum gikan niana.

66 Ug kun ang katawhan mangandoy sa kalipay karon, unsa may ilang buhaton? Ang katawhan, inay nga modawat sa kalipay sa Ginoo, miadto sila sa sala, alang sa kalipay. Mga katawhan nga moadtog simbahan ug mangangkon nga mga ulipon ni Cristo, nga

kung malisang sila pag-ayo modagkot ug sigarilyo. Ug kung sila-kung buot sila makabaton sa—sa kalingawan, mogamit sila sa ilang mahilas nga mga sinina ug mogawas ug mangguna kun molabay ang lalaki, aron sila motaghoy kanila. Buhaton nila ang bisan unsang butang aron mahimong sikat. Buot silang mahisamang tan-awon sa mga artista. Mao kanay ilang kalipay. Samtang, si Jesus miingon, "Ako mao ang ilang katagbawan." Ang hinungdan nga moadto sila niana, tungod kay dili sila gustong moinum gikan sa Tuboran. Gisalikway Kini nila. Dili sila gustong moinum gikan Niini. Nagpasakop sila ngadto sa tinawhonung sistema, mga nagkalainlaing atabay nga napuno sa tanang matang sa mabahu nga mga butang, nga makalakaw sila sama niana.

67 Kagahapon, anaay mga kabataan didto sa suba, o nagtoo ako nga Sabado kadto sa buntag. Nangadto kami; si Billy namasul didto sa sakayan. Ug among gipanagdala ang mga kabataan, ang gamay kong apo nga lalaki, ug uban pa kanila, ang akong dalaga, ug ang gamay kong anak nga lalaki, ug nangadto kami sa suba aron magsakaysakay sa—sa baruto. Magkalisud ka gani sa pagsakay sa baruto diha sa suba, tungod sa kahugaw, kahilas, mahugawng katawhan nga didto sa suba, nga hubo ang katunga ug nanagpadayon. May usa ka sakayan ang milabay haduol kanamo, usa ka panon sa magagmayng napulog duha-, nagpanuigon ug napulog upat ka mga batang lalaki, ang matag usa kanila nagkupot ug lata sa beer, ug sigarelyo. Ila kadtong gitawag nga "kalingawan." Ay, naku! Unsang gidugayona ang paglungtad niining kalibutana, uban sa kahimtang sa sistema nga sama niana?

68 Ug aron mahipagawas ang ilang kaugalingon gikan sa mga panghunahuna nga kun mangamatay sila moadto sila sa impyerno, sa butang nga ilang ginabuhat, mangadto sila ug moipon sa usa niining tinawhonung mga atabay. Tungod niini kanang samang matang sa katawhan nahisakop sa maong atabay. Kini dili lain kondili usa ka hut-ong sa mahugaw, labing hugaw pito-pito sa kalibutan. Ug gipasakop nila ang ilang kaugalingon diha niana tungod kay, sumala sa panultihon sa tigulang kong inahan, "ang mga langgam nga managsamang balhibo managkuyog sa pagpanglupad." Dili sila manuol sa Tuboran aron mahinloan gikan sa kinabuhi sa sala. Buot ra silang magkinabuhi diha niana, ug sa gihapon magkupot ug pagpanghimatuod nga sila mga Cristohanon. Ngano man? Mingtalikud sila Kaniya, ang matuod nga Tuboran sa kalipay, sa Kinabuhi, hingpit nga Kinabuhi ug katagbawan. Mao kanay hinungdan nga gibuhat kini nila tungod kay buot silang magpasakop. Anaay ingon nianang matanga sa katawhan nila nga nagatoo nianang mga butanga.

69 Dinhi dili pa lang dugay, si Igsoong Fred ug ako, ug si Igsoong Tom, usa kami ka panon nangadto sa usa ka inilang simbahang Baptist dinhi sa siyudad sa Tucson, aron pagtan-aw kondili ba kami makakaplag gamayng butang nga makahatag kanamog gamayng kahayahay sa pagbati. Ug ang ministro may gikasulti nga lahi bahin sa katawhan sa Egipto, sa dihang mingbiya sila nanagpangaon silag mga ahos ug uban pa, buot pa silang mamalik pag-usab ug mokaon niadto. Miingon nga, "Kana may ipasabot sa mga katawhan karon. "Ug, kami, ang matag usa miingon, "Amen!" Wala gayud ako makakita ug ingon nga panon! Ang tibuok iglesia nawad-ag panan-aw sa magwawali ug milingi aron pagtan-aw kinsa kadtong miingon nga "amen." Buot manghadlok kanila sa kamatayon. Wala sila masayud kinsa kadto. Niadtong, miingon si David, "Panaghugyaw kamo alang sa Ginoo. Dayega Siya pinaagi sa mga alpa! Dayega Siya pinaagi sa mga salteryo! Ang tanan nga may gininhawa papagdayega sila sa Ginoo. Ug dayega ninyo ang Ginoo!" Ang Dios nagakalipay diha sa Iyang mga katawhan. Ang tanan—kung sila nakat-on paingna, "Amen," samtang gilitok ang tanan sa husto.

70 Nganong dili man biyaan kining sistema ug mga tangki sa kalibutan, ngadto sa matinumanong sistema sa Dios, nga mao ang artesyan, si Jesu- Cristo? Nganong dili kamo mamalik Kaniya, diin ang Dios maoy madagayaon tang tinubdan sa kalipay, atong madagayong tinubdan sa mga pagdayeg, ang atong madagayong tinubdan sa katagbawan. Ang kalomo sa akong kaugatan nagagikan sa Dios. Sa dihang maluya ako, makita ko ang akong katagbawan diha kang Cristo, dili sa usa ka sigarelyo, dili sa mga butang sa kalibutan, dili sa pagpasakop sa usa ka kredo; kondili sa pagpangita Kaniya, sa Pulong nga gisaad nga Iyang giingon, "Kon makaadto na Ako, mobalik Ako pag-usab ug dawaton Ko kamo." Diha niana hikaplagnan ko ang akong kalipay. Siya mao ang akong kalipay.

71 Sila manag-ingon karon, pinaagi sa pagpasakop niining mga butanga ug pinaagig pagbuhat niining Concilla sa mga Kasimbahanan sa Kalibutan, nga makahimo silag usa



ka maayong dapit nga puy-an. Ubos sa matitud-anon kong hunahuna, magbuhat silag usa ka maayong dapit sa pagpakasala. Kana igo lamang... Ang kinatibuk-ang butang mao ang sala, bisan rag unsaon; dili aron kabuhian, kondili aron kamatyan. Buhaton kining dapita sa... pagpakasala, inay nga kabuhian.

Ang bisan unsang butang nga gawas kang Cristo ug sa Iyang Pulong sa Kinabuhi mao ang tangki nga likian. Ang bisan unsang butang nga isulay pag-ilis Niini; ang bisan unsang butang nga gisulayan ninyo pagbuhat aron pagdalag kalinaw, ang bisan unsang butang nga gisulayan ninyog buhat aron pagdalag kalipay, ang bisan unsang kalipay nga nadawat ninyo gikan sa bisan unsa, ingon nga ilis Niini, mao kana ang tangki nga likian nga napuno sa kahugawan. Siya magahatag sa hingpit nga katagbawan.

72 Nahinumdom ako dinhi, duha na ka ting-init ang milabay, didto ako molusot sa likud nga pultahan. Dihay usa ka batan-on nga miagik-ik didto nga miingon kanako, matud pa, "Nasayud ka ba, sa hinungdan nganong kanunay kang naghigot ug mga kababayan-an sama niana, nga nagsul-ob ug mga purol ug uban pa," matud niya, "tungod kay tigulang ka man ugod." Miingon, "Mao kana ang hinungdan niini."

Giingnan ko, "Tan-aw ngari. Pila na may imong edad?"

Mitubag, nga "Kaluhaag-pito."

Giingnan ko, "Niadtong batan-on pa ako kay kanimo, giwali ko ang mao rang butang." Hingkaplagan ko ang usa ka Tuboran sa katagbawan. Siya maoy akong panulondon. Amen! Samtang Iyang sakopan kana, mao kana ang katahum. Ma-mao kana ang akong ...Mao kana ang akong arte, mao ang pagtan-aw Kaniya, nga magabantay sa buhat sa Iyang kamot ug motan-aw kung unsay Iyang ginabuhat. Walay laing tubod nga akong hingbaloan!

Oh, bililhong tubod

Nga nagpaputi nako sama sa nieve;

Wa nay hingsayran ko,

Gawas sa Dugo ni Jesus.

May Tuboran punog Dugo,

Sa kang Emmanuel kaugatan,

Kung ang sad-an mabahaan,

Sa sala mahinloan.

73 Gisuginlan ko kamo, walay laing tubod nga hingsayran ko kondili ang Tuboran. Kini makahinlo kanako kun magkahugaw ako. Kanunay Kining maghinlo kanako, tungod kay buot kong magkinabuhing matarung diha Niini, moinum ning lab-as nga Tubig nga magpuno sa kasingkasing ko sa kalipay. Mahimong maluya ako, ug bation nga maglisod na ako sa pagpadayon, sa lain pang hugna, dili na makaadto pa bisan asa; ug moluhod ako dayon ug ibutang ang akong tudlo diha sa saad, ug moingon, "Ginoong Dios, Ikaw maoy akong kusog. Ikaw maoy akong katagbawan. Ikaw mao ang tanan nakong tanan." Unya mosugod na ako sa pagbatig Usa ka butang nga nagabukal gikan sa kinasuloran dinhi kanako. Mahigawas na ko niini.

74 Maingon nga nagpanuigon na akog kapin sa kalim-an ka tuig, mibangon ako usa niana ka buntag, nasayud ba kamog unsa kini, maglisud kag paggawas sa imong usa ka tiil gikan sa katre. Ay naku, maglisud ka niini; ug unya diha sa pultahan, nagtuktok, o giingnan ako ni Billy nga may kalit nga nahitabo, sa dapit nga akong pagaadtoan. Ug namalandong ko, "Unsaon ko paghimo niini?" Gisulayan ko pagpagawas ang usa kong tiil. Akong gihunahuna nga, "Ikaw mao ang Tuboran nga puno sa akong kusog. Amen! Ang kusog ug ang akong tabang nagagikan sa Ginoo. Ikaw mao ang akong artesyan! Ikaw mao ang akong kabatan-on! Sila nga nagahulat sa Ginoo nagabag-o sa ilang kusog; manlupad sila uban sa mga pako sama sa agila; manalagan sila, ug dili makapuyan; manglakaw sila ug dili mangaluya.' Ginoong Dios, mao kini ang akong bulohaton." Ug ang unang butang nasayud kamo, dihay butang nga misugod sa pagdaguok sa akong kinasuloran.

75 Sa miaging adlaw, didto sa usa ka gamayng dapit, may tigum ako dinhi sa Topeka, Kansas; dihay usa ka lalaki, usa ka batan-ong magwawali, usa sa una kong mga magtatabang. Si Igsoong Roy, nga ania karon, nahinumdom sa dapit. Dinhi niining,

dinhi ning inilang dapit, dihay u-usa ka ... Kining maong ministro didto sa silong sa atop o sa usa ka dapit, hingdat-ogan siya sa pikas bongbong niana. Naghimalatyon na ang gamayng tawo. Mibuto ang iyang atay. Ang iyang esplin wala na sa hustong dapit. Mga tonelada ang midat-og kaniya.

Mitambong ako sa pamahaw, nga nakigsulti sa asawa ko. Matud ko, "Asawa, nasayud ka ba, kung ania pa si Jesus, nasayud ka bang unsang Iyang pagabuhaton?" Matud ko, "Kung gitabang Niya ako, akong gitooan kanang Pulonga, siya mitabang kang Cristo." Ug matud ko, "Mao kana ang bitik sa yawa." Matud ko, "Kun dinhi pa Jesus, moadto gayud Siya ug ipandong ang mga kamot Niyang balaan ngadto kaniya. Kadtong batan-ona mamaayo gayud. Dili ko igsapayan kon ang iyang atay mibuto. Mamaayo gayud siya, tungod kay si Jesus molakaw man didto nga hingpit nasayud kung Kinsa Siya. Nasayud Siya sa Iyang tawag, ang Kasulatan husto gayud, nagpaluyo Kaniya nga nasayud Siya kung Kinsa Siya, ug dili usa ka ... dili gayud kaduhaduhaan. Iyang ipandong ang Iyang mga kamot sa ibabaw niya, ug moingon, 'Anak magmaayo ka, biya gikan dinhi.'" Ug matud ko, "Walay igong yawa didto sa impyerno aron mopatay niadtong tawhana, sa ingon." Matud ko, "Mamaayo gayud siya." Apan matud ko, "Nakita mo ba, pinangga, Siya mao si Jesus, ang balaang mga kamot sa Dios." Matud ko, "Usa ako ka makasala. Gipanganak ako sa lawasnong pagkatawo. Ang akong amahan ug inahan silang duha mga makasasala, ug ako wala gayud ing kapuslanan." Ug matud ko, "Apan nasayud ka bag unsa? Kon hatagan ako sa Ginoo ug panan-awon ug ipadala Niya ako didto, nan lain na kana." Matud ko, "Moadto gayud ako ug ipandong ang akong mga kamot sa ibabaw niya, mibiya siya nianang hiligdaanan kon hatagan Niya akog panan-awon."

76 Ug unya namalandong ako, "Tapus ning tanan, kong kadto usa ba ka panan-awon, kung unsa kini? Managsama rang mahugaw nga mga kamot diha kaniya, uh-huh, mao rang tawhana ang nag-ampo kaniya, mao rang mahugaw nga mga kamot." Ug unya, wala ako makita sa Dios. Kadtong Dugo sa Usang matarung didto nahimutang sa halaran; nga naghimog pagpangamuyo alang kanako. Siya mao ang akong katagbawan. Siya mao ang akong pag-ampo. Siya mao ang akong Kinabuhi." Matud ko, "Ang bugtong butang nga nakahimo kanakong takus sa pagpandong kaniya sa akong mga kamot, uban sa pagtoo, tungod kay nagatoo ako sa panan-awon. Ug kon walay panan-awon, mao ra nga pagtoo ang magabuhat sa samang butang; sa ingon dili ako mag-isip sa akong kaugalingon ug unsa man; kondili ang pag-isip Kaniya nga akong tanan-sa-tanan. Siya mao ang akong Kinabuhi. Siya mao ang akong Magsusugo. Walay denominasyon nga nagpadala kanako; Siya maoy nagpadala kanako. Alleluia! Molakaw ako sa Iyang Ngalan. Gipandongan ko siya sa akong mga kamot." Miadto ako didto ug gipandongan sa mga kamot ang maong lalaki, ug niadtong gabhiona nakaadto siya sa tigum, hingpit nga naayo. Amen!

77 Oh, oo, Siya mao kadtong Tuboran. Walay laing tuboran nga hingbaloan ko. Walay lain kondili ang Dugo ni Jesus!"

Mabaho ako, mabudhion ako, ang matag usa kanato mao man, apan sa atubangan sa Dios kita mga hingpit. "Magmahingpit kamo, maingon nga ang inyong Amahan sa Langit hingpit." Unsaon mo sa pagkahimo niini? Tungod kay ang Usang hingpit nangatubang kanato didto. Kanang maong Tuboran anaa kanunay matag adlaw, lab-as. Dili kay malan-og nga butang, kondili lab-as matag adlaw, nga naghugas sa tanan kong mga kasal-anan. Siya mao kadtong Tuboran.

78 Karon alang sa pagtapus, tingalig isulti ko kini. Ang bisan unsang butang nga sukwahi Niini sila mga tangki nga likian, ug sa kaulahiay mabuak kung unsay imong isulod niini; kon ibutang mo ang tanang mong paglaum, tanan mong takna, ug tanang mga butang, sa usa niadtong malan-og nga mga tangki. Si Jesus nag-ingon nga silang tanan mga tangki nga likian. Ang Dios nag-ingon, "Silang tanan mga likian, ug mangliki sila bisag unsay imong ibutang kanila." Dili ka makalakaw halayo uban kanila, tungod kay mga liki man sila. Tungod kay Siya lamang ang bugtong dalan paingon sa Kamatuoran, sa Kinabuhi, ug sa kalipay nga Dayon, ug Dayong kalinaw. Siya maoy Bugtong ug ang bugtong dalan alang Niana.

Oh, naku! Ang walay pagkaluya nga Tuboran sa Kinabuhi mao si Jesu-Cristo. Ngano? Ug Kinsa man Siya? Ang Pulong, mao ra; ang Pulong, ang Kinabuhi, ang Tuboran, "mao sa gihapon kagahapon, karon, ug sa palaabuton." Ang matuod nga magtutoo, Kini mao ang iyang kinalabwang kalipay, ang iyang kinalabwang Kinabuhi. Ug

ang kinalabwan niyang katagbawan anaa kang Cristo. Dili na bombahon, dili na birahon, dili sa pag-ipon, dili kab-on; igo ra motoo ug mopahulay. Mao kana Siya alang sa nagatoo.

79 Sama kang amahang Abraham; wala gayud siya magbira, wala gayud siya nagmulo, wala siya mabalaka. Anaa kaniya ang Pulong. Nagpauraray siya sa dughan ni El Shaddai. Sa nag-edad na si Abraham ug usa ka gatus ka tuig, ang Dios mipakita kaniya, ug miingon, "Ako mao ang Makagagahum." Sa Hebrohanong pinulongan mao ang El Shaddai, nga nagkahulogan, "ang Bugtong may Dughan." "Ug tigulang kana, ug wala na ang imong kusog, apan magpauraray ka lamang sa Akong dughan ug atimana ang imong kusog gikan ning maong Tuboran." Amen! Unsay iyang gimatuto sa iyang kaugalingon? Usa ka bag-ong lawas. Anaa na siyay anak, pinaagi kang Sarah. Ug, sa paghilabay sa kalim-an ka tuig, nakabaton ug pito ka mga anak sa laing babaye.

Oh, EI Shaddai! Ang Daang Tugon nagpakita kung unsay Iyang gibuhat, ang Bag-ong Tugon nagtug-an kung unsay Iyang pagabuhaton. Amen! Sa Daang Tugon ...

80 Karon, ang hangin sirado na, busa magdali ako ug tapuson ko na dinhi karon, sulod na lang sa pipila ka gutlo. Buot kong isulti kini sa dili ko pa tapuson. Anaay akong usa ka maayong panag-ingnan niini usa niana ka higayon. Nagpatrolya ako. Ug daghan sa mga tawo dinhi, dinhi sa Georgetown, didto sa Milltown, didto kasagaran, didto sa mga kabungtoran, ang usa ka tuboran. Usa kadto ka artesyan. Mosidlit kini niini, hapit mag-upat o lima ka tiil ang tubod sa tubig, ang mag-agas sa tanang panahon, ug ang usa ka dakung tubod diha niana. Ug diha Niana dihay daghan kaayong peni royal, nasayud kamo, ug mga butang nga nanurok didto, nga sama sa mintos. Ug, oh, kanunay akong uhawon sa pag-abot didto, oh, naku, nga makaabot sa maong tubod. Ug mopahulay ako duol niini ug moinum ug moinum, ug molingkud ug moinum, nga magpaabot. Ug tuig tuig sa gihapon moadto pa ako ning maong tuboran. Wala gayud kini mohunong, ting-ulan o ting-init. Dili sila makapatibug-ok niini. Dili mo mapatibug-ok ang usa ka artesyang atabay. Oh, dili! Dili ko tagdon kung un-unsang kabugnaw niini, dili gayud kini makapatibug-ok niana. Mapatibug-ok mo ang atabay; gamay lamang nga yelo ang makahimo niana. Nakita mo? Apan ang bisan unsang butang nga nagalihok, anaay Kinabuhi niini, naglihok kini diha niana. Ug dili mo mahimong patibug-okon ang artesyan nga Atabay. Bisan pag unsang kasubo sa espiritu nga anaa sa maong dapit, kining maong Atabay magpabiling buhi sa kanunay. Pagpakabuhi diha sa Atabay.

81 Ug didto akong hingmatikdan, mipaduol ako ug miinum ako niini, ug, oh, naku, unsang kalimpiyo nga tubig! Dili ka angayng mabalaka, "Ambot lang kaha, kon makaadto ako didto, ambot lang kaha kon miundang na kini sa pagtubod?" Nagtubod kini sa kanunay ...

Usa ka tigulang nga mag-uuma nagsugilon kanako, nga nagkanayon, "Gikan niini ang akong apohan nanag-inum." Ug miingon, "Wala gayud kini mahubsi o wala gayud. Sa gihapon mao ra kining atabaya, nga nagaagas paingon ngadto sa Asol nga Suba."

Namalandong ko, "Oh, naku, unsang kamaayong dapit sa tubig!" Milakaw ako ug hapit usa ka milyas gikan sa dalan, aron makaabot sa maong dapit, tungod kay kadto usa ka matuod nga dapit nga pagaimnan. Oh, unsang kamaayo kadtong tubiga! Oh, naku! Miadto a-ako didto sa kamingawan, nga mao ang Arizona karon, sa gihapon gihandum ko pa kini, "Kadtong katingalahang artesyan didto niadto, kon lamang makapahulay pa ako diha niana!" Sumala sa giingon ni David usa niana ka higayon, "Oh, kon lamang sa makausa pa makainum ako gikan nianang atabaya!" Kon lamang makaabot pa siya didto!

82 Ug unya milingkod ako usa niana ka adlaw, ug dihay usa ka kataw-anang butang nahitabo kanako. Ug matud ko, "Unsay nakapalipay kanimo sa tanang panahon? Unta malipayon ako sama niana. Tan-awa, wala ko gayud ikaw makita nga masulob-on, sukad sa akong paghianhi dinhi. Walay usa ka butang masulob-on bahin kanimo." Matud ko, "Sa kanunay napuno ka sa kalipay. Naglukso-lukso ka ug nagabukal ug makanunayon. Sa ting-ulan man o ting-init, mabugnaw man o maiinit, bisan kun un sa pa kini, sa kanunay puno ka sa kalipay. Unsa man nakaingon kanimo? Unsa, unsa man kini? Tungod ba kay gikan kanimo nakainum ako?"

"Dili."

Giingnan ko, "Nan, tingalig ang mga rabbit nakainum gikan kanimo, ug

miangay ka niini pag-ayo."

"Dili"

Giingnan ko, "Nan, unsa may sa imong pagbukal sama niana? Unsay nakapalipay kanimo pag-ayo? Unsay hinungdan nga puna ka sa kamaya?" Matud ko, "Tungod ba kay ang mga langgam nakainum gikan kanimo?"

"Dili."

"Tungod ba kay nakainum ako gikan kanimo?"

"Dili."

Giingnan ko, "Nan, unsay nakapapuno kanimog kamaya?"

Ug kon kadtong tubora makatubag pa kanako, isulti niya kini, "Igsoong Branham, dili tungod kay nakainum ka; gipasalamatan ko kana, ug tungod kay makahatag ako alang sa mga langgam. Makahatag ako kang bisan kinsa nga buot moinum. Ang bugtong butang nga pagabuhaton mo mao ang pagduol dinhi ug moinum. Apan, unsay nakapalipay kanako, dili sa akong pagbukal, mao kanang ania sa sulod, nga nagtulak kanako. Kanang butang nga nagpabukal kanako."

Ug ingon niana ang kahimtang sa kinabuhing napuno sa Espiritu Santo. Sumala sa giingon ni Jesus, Siya anaa sa sulod, hatagan kamo Niya ug mga tubod sa tubig nga magabukal ngadto sa Kinabuhing walay katapusan, usa ka artesyan, nagabukal nga nag-agas sa kanunayng nagabukal. Bisin kun ang uban sa simbahan mosaka man o mokunhod, sa gihapon anaa ka ra sa Tubod. Nganong modawat ka man nianang karaang sistema sa denominasyon ug sa tangki, nga napuno sa mga dangan ug bisin unsa pang butang, ug moinum nianang butang nga malan-og, samtang gidapit ka ngadto sa usa ka Tuboran, usa ka Tubod sa artesyan?

83 Naghunahuna ako kung giunsa kini sa pagtulak, ug pagpalihok, u—ug pagbugkwak, ug pagkatawa, ug pagkalipay, ug paglukso, ug pagmaya. Matugnaw, ting-ulan; mainit, mamala, samtang ang uban sa nasud nagamala na, kini nagbukal ra sama sa ginabuhat niini kanunay. Tungod kay halalum man kini, pinagamot, didto kini sa mga bato magagikan.

Oh, papuy-a ako sa kiliran nianang maong Tubod! Kuhaa ang tanan ninyong binuhat sa tawong sistema sa inyong kagustohan, ang tanan ninyong karaang nangalan-og nga mga atabay, apan paduola ako diha sa . . . o sa malan-og nga mga tangki. Apan paduola ako niining maong Tubod, paduola ako niana diin puno Siya sa kanunay. Siya maoy akong Kalipay. Siya maoy akong Kahayag. Siya maoy akong-Siya maoy akong kusog. Siya maoy akong Tubig. Siya maoy akong Kinabuhi. Siya maoy akong Mananambal. Siya maoy akong Manluluwas. Siya maoy akong Hari. Bisin unsay akong gikinahanglan makita diha Kaniya. Nganong moadto pa man ako sa bisin unsa?

84 Igsoong lalaki, igsoong babaye, dili ba kamo moduol ngadto ning Tubod karong gabii? Dili ba, kon sukad wala pa kamo makaadto niana, dawaton ba ninyo Kini ning gabhiona samtang atong iduko ang atong mga ulo?

Mga tangki nga likian, buslot, nagtuhop, ang kalibutan didto magtuhop niini, hugaw nga nagagikan sa mga kamalig ug sa ubang mga adlaw. Nganong dili man niining Tuborana, nga kanang maong butang dili makapabilin niini, dinhi ning dakung Tubod nga puno sa Dugo, gikan sa kaugatan ni Emmanuel? Nganong dili mo man dawaton kana ning gabhiona? Hinaot nga tabangan ta sa Dios ning gabhiona, dinhi ning nagauga, yuta sa kauhaw. Sumala sa giingon sa profeta, "Siya mao ang Bato sa yutang malaay." Siya mao kadtong Tuboran. Moduol ba kamo Kaniya ning kagabhion, diha sa inyong mga kasingkasing, samtang magaampo kita?

85 Minahal nga Langitnong Amahan, wala nay laing Tuboran, samtang gitugtog ang kanta, walay laing tubod nga hingbaw-an ko, wala gawas sa Dugo ni Jesus. Diha niana ako matawo, diha ako magtubo; buot kong mopuyo diha, ug mamatay diha, diha sa Iyang Atubangan. Sa kanunay, Ginoo, tugoting maanaa ako sa Iyang Presencia, tungod kay wala akoy laing nahibaw-an. Walay kredo, walay gugma; walay gugma gawas kang Cristo, walay kredo gawas kang Cristo, walay libro gawas sa Biblia, walay bisin unsa pa, walay kalipay gawas Kaniya. Kuhaa Siya gikan kanako, O Dios, dili ko igsapayan kun unsay naangkon ko sa kalibutan, sa gihapon mawala ki-kini, naglatagaw ako uban sa mga kamot binayaw ibabaw sa akong ulo. Kuhaa Siya gikan kanako, ug mawala na ako,

Ginoo. Apan itugot nga maania Siya kanako, nan ang Desyembre mamahimong maanindot maingon sa Mayo, kay sa ingon wala nay mainit nga mga dapit ug wala nay nag-uga nga mga dapit, bisan pa gani ang kamatayon mismo wala nay kadaugan. Itugot nga maangkon namo Siya, Amahan. Itugyan Siya, diha sa kadagaya, ngadto sa matag magtutoo ning kagabhion, samtang nagahulat sila dinhi sa maong lawak.

Daghan kanila ang magalawig diha sa kadalanan karong gabii, samtang manguli sila sa ilang mga puloy-anan, ug hinaut unta nga mao kini ang ilang pamalandungon, "Nagpuyo ako nianang maong Tuboran. Diha niana ako magpuyo, lab-as imnon, sa matag takna."

Ug kon wala pa nila kana madawat, kon wala pa, hinaut nga dawaton na nila Siya karon, kay sa ingon madala na nila ang Tubod uban kanila. "Magauban Ako kaninyo; makig-uban Ako kaninyo hangtud sa katapusan sa kalibutan." Itugot kining mga butanga, Amahan.

86 Ug samtang atong giduko ang atong mga ulo, ania bay usa dinhi, ning gabhiona, o pila man ang moingon, "Ginoo, dad-a ako nianang Tuboran karon dayon. Wala ako moanhi aron lang mamimaw; mianhi ako aron sination ang Usa ka butang. Mianhi ako dinhi aron pangitaon Ka, Ginoo. Nanginahanglan ako Kanimo ning gabhiona. Sumulod ka sa akong kasingkasing karon. Himuon ba kini, Ginoo?" Ang Dios magapanalangin kanimo. Ang Ginoo magapanalangin sa matag usa.

87 Amahan, nakita Mo ang mga kamot, bisan sa ibabaw ug sa palibot sa bongbong, ug sa uban pang mga lawak, ug sa gawas. I-Imong nakita sila Amahan. Nangamuyo a-ako nga Imong sangkapan ang tanan nilang panginahanglan. Tingalig nagainum pa sila sa karaang tangki, Ginoo, sa katunga sa hunonganan diin ang kadaghanang mga tawo nanagkalot ug atabay, nga nangahimong mahugaw pinaagi sa tanan matang sa mga doctrinang langyaw, nga nagalimod sa Pulong. Nangamuyo ako, o Dios, nga ning gabhiona moduol sila Kaniya Kinsa mao kanang Tuboran, kanang Tuboran sa Kinabuhi. Itugot kini, Amahan. Itugyan ko sila Kanimo karon sa Ngalan ni Jesus.

Ug giingnan Mo ako, "Kon mangayo kag bisan unsa sa Akong Ngalan, kini pagabuhaton." Karon, wala ko kini pangayoa, Ginoo, kon wala ko kini hunahunaa nga mahitabo kini. Igo ko-ko lang kini gisulti sa ingon nga tulomanong gisublisubli. Apan nangamuyo alang kanila, uban sa kamatinud-anon. Ako nangamuyo alang kanila, uban sa pagtoo nga Imong ihatag ang unsay Imong gisaad.

Ug karon gikuha ko sila palayo gikan sa maong tangki ning gabhiona. Gikuha ko sila palayo gikan sa dapit nga ilang giimnan, diin dili sila mangatagbaw; ngadto ning maong Tuboran. Gibuhat ko kini sa Ngalan ni Jesus.

88 Sila mga Imo man, Ginoo. Paimna sila gikan Kanimo, ang Tubig nga buhi, ang Tuboran sa buhing Tubig. Sa Ngalan ni Jesus, kini akong gipangayo. Amen. Itugot kini, Ginoo.

Oh, belilhong tubod  
 Nga nagputli nako;  
 Way nahibaw-an ko,  
 Gawas sa Dugo ni Jesus.  
 Unsay ihugas sa sala ko?  
 Way lain Dugo ni Jesus;  
 Unsay mag-ayo nako?  
 Way lain Dugo ni Jesus.

O Jesus, ayoha kini, Ginoo! Itugot kini, Ginoo, pinaagi sa Ngalan ni Jesus. ako nangamuyo, Dios, nga Imong ...? ... Nasayud Ka sa tanang mga butang.

Way nahibaw-an ko,  
 Oh, gawas sa Dugo ni ...

Hunahunaa kini, way tubod nga nahibaw-an ko! Wala ako masayud kang bisan kinsa pa gawas Kaniya. Wala ako magtinguha sa pagkasayud sa bisan unsa pa gawas Kaniya. Wala gawas sa Dugo ni Jesus! Oh!

Oh, belilhong tubod  
 Nga nagputli nako;  
 Way nahibaw-an ko,  
 Oh, gawas sa Dugo ni Jesus.

89 Samtang awiton ta kana pag-usab, maglamanohay ta ang usag usa. Nahigugma ba kamo sa usag usa? Ania ba dinhi nga anaay pagdumot batok sa kang bisan kinsa. Kon anaa man, lakaw ug husaya kini, mahimo ba. Dili ta mobiya dinhi nga sama niana. Nakita mo? Kon nakautang kang bisan kinsa, lakaw ug husaya kini, karon dayon. Karon dayon mao na ang inyong kahigayonan sa pag-adto, ug moingon, "Igsoong lalaki, igsoong babaye, may gikasulti ako bahin nimo, naghunahuna akog lain. Wala ko kana tuyoa. Pasayloa ako." Tan-awa, mao kana ang paagi sa pagbuhat niini. Angkonon ta ang Tuboran dinhi sa atong taliwala, sa tanang takna. Nakita mo?

Way nahibaw-an ko,  
 Gawas sa Dugo ni Jesus.  
 Oh, bililhong tubod  
 Nga nagputli nako;  
 Oh, way nahibaw-an ko,  
 Gawas sa Dugo ni Jesus.

Oh, dili ba kahibulongan man Siya? Walay laing tuboran! Dili nato paghugawan ang atong kaugalingon sa ubang mga butang. Nahimulag na kita, gitalikdan ang kalibutan. Wala na kita magkinahanglan sa mga ahos sa Egipto ug mga likian nga tangki. Ania na kita sa atong panaw kauban sa Ginoong Jesus, kadtong gihampak nga Bato, amen, nga nagakaon ug Mana nga gikan sa Kahitas-an, ug nagainum; nagakaon sa Pagkaon sa mga manulonda, ug nagainum gikan sa Bato. Amen!

Way nahibaw-an ko,  
 Gawas sa Dugo ni Jesus.

Karon atong iduko ang atong mga ulo.

90 Nangamuyo nga panalanginan kamo sa Dios sa madagayaon gayud, nga Iyang grasya ug kalooy magauban kaninyo sa tibuok semana. Ug kon may mga butang manghitabo, nga ang usa kaninyo magpasalipod na luyo sa tabil karon, hinumdumi lamang nga usa lamang ka hamubong mga takna sa pagkatulog ug pahulay hangtud managkita kita. Hinumdumi, nga, "Sila nga mga buhi pa nga nahibilin dili magauna kanila nga nanagpangatulog, sanglit ang Trumpeta sa Dios, kadtong katapusang Trumpeta ..." Ang ikaunum gikapatingog na. Ug kanang katapusang Trumpeta, sama sa katapusang Timri, mao na ang Pag-abot sa Ginoo. "Kini pagapatunggon, ug ang mga nangamatay diha kang Cristo mouna sa pagpamangon." Namahulay hangtud niadtong taknaa.

Ug kon masakitan man kamo, hinumdumi:  
 Dad-a ang Ngalan ni Jesus,  
 Ang taming sa pagsulay;  
 Sa panulay ka hugpaan,  
 Ampo sa Iyang Ngalan.

Ang yawa modagan. Hinumdumi gayud, among lauman nga magkita ta dinhi sa sunod Dominggo sa buntag. Dalha ang masakiton ug nanag-antos. Ako magaampo alang kaninyo. Iampo ninyo ako karon. Mabuhay ba ninyo kini? Moingon, "Amen." [Ang congregasyon miingon, "Amen."-Ed.] Ako magaampo kaninyo, nga manalangin ang Dios.

...Ngalan sa pag-ampo.  
 Ngalan N'ya, Ngalan N'ya, Matam-is!  
 Paglaum sa yutag Langit;  
 Ngalan N'yang matam-is!

Paglaum sa yutag Langit.

Ngalan ni Jesus yukbuan,

Mohapa's Iyang tiilan,

Hari atong koronahan,

Kung panaw matapos na.

Ngalan nga bililhon, Ngalan nga bililhon, (dili ba matam-is ug bililhon?)

Paglaum sa yutag Langit;

Ngalan nga bililhon, Ngalan nga bililhon,

O katam-is!

Paglaum sa yutag Langit.

91 Sa kanunay malisud ang pagbiya kaninyo. Bisag nasayud ako nga nagdilaab pa kamo, apan anaay labing mahinungdanong butang ... Buhaton ang lain pang usa ka tudling sa usa ka butang, mahimo ba ninyo kini? [Ang congregasyon miingon, "Amen." Ed.] Mahimo ba kini ninyo? Panalangini Ang Bugkos Nga Nagbangan, sister. Pila man ang nahibalo nianang karaang kanta? Atong giawit kini sa nanglabayng mga katuigan.

Ug naghunahuna ako, ning gabhiona, "duha ka mga kamot gikan sa mga gatasan, ang miisa," samtang atong gikanta kanang maong kanta sa Tabernaculo, ug nagkuptanay ang usag usa. Panalangini Ang Bugkos Nga Nagbangan. Daghan kanila ang akong gilubong didto sa sementeryo. Nagpaabot sila. Makita ko ra gila pag-usab. Nakita ko sila kadali, sa usa ka panan-awon, sa nagtan-aw ako sa unahan sa tabil. Atua sila didto. Atong iduko ang atong mga uo karon samtang awiton ta.

Panalangini ang bangan

Sa gugmang Cristohanon;

Ang panag-ambitay ...

Sama sa kahitas-an.

Karon iduko ang inyong mga ulo.

Maghatag kasakitsa kahiladman;

Sa gihapon kasingkasing hiusahon,

Ug maglaum nga magkita pag-usab.

Uban sa giduko tang mga ulo. Akong ihatag ang bulohaton ngadto sa pastor karon, ug tapuson sa pag-ampo.



[www.messagehub.info](http://www.messagehub.info)

Mga Wali Ni

**William Marrion Branham**

*"... sa mga adlaw sa tingog ..." Pin. 10:7*